

四十四

聖

正統十二年  
至十四年

廿四



國權

丁卯 正統十二年

正月 丑夜九星青白光燭地自亥戈旁派天市

癸酉 工南郊

乙亥 魏國公徐顯宗卒賜祭塋

丙子 免江安合江災租六萬二千二百七十石

命鶴慶軍民府土官四品以上免家僮十六人五品六品免

十二人七品以下遞減其二餘悉為編氓從知府林道節之

鹽官談遷孺木著

請

戊寅諭工部禁借用織綉蟒龍飛魚斗牛等服及違禁花樣  
已卯遣還烏思崧宣德間濬船貢使三百餘人其久家河州  
者任之

庚辰兵部尚書鄺埜等言瓦剌也先分攻兀良哈三衛東西  
俱災遂將窺邊乞遣京兵戍宣大工覆之

辛巳夜月犯木星

壬午瓦剌也先誘麻亦哈等處頭目阿刺答兀米兒咱貢玉  
石俱不堪卻之乞憐遂半其賞

起復光祿寺少卿高寅

癸未建州衛都督僉事李滿任為都督同知

甲申免順德災租

遣視重慶府旱災免田租

乙酉蠲大同屯糧其卒盡戰守從總兵官武進伯朱冕之請

丙戌都督僉事方瑛為叅將整飭雲南兵備

鎮守山西太監郭敬部卒以甲冑易胡馬被劾上宥之

南京兵部右侍郎李郁卒郁字文燁洛陽人洪武丙寅士

授印縣訓導擢工科給事中敢直言坐事戍五載薦採

木四川洪熙初轉禮科尋遷光祿寺丞出守長沙宣德八年  
進行在兵部右侍郎已鎮山東又使交趾正統丁巳艱去後  
補南京郁有才智臨事明練鄉貴自謂不如也賜祭葬  
庶員太僕寺少卿崔奎年八十三自陳請難城守功進寺卿  
辛卯起柯暹雲南按察使及歸州府  
二期已朔減京城及通州市舍稅鈔

太僕寺卿吳敬予告

甲午設銅鼓衛儒學

乙未增大同猶見淫屯堡

丙申勅福餘衛都指揮同知安出泰寧衛都指揮同知隔千  
帖不見朵顏衛都指揮同知朵羅千等曰瓦剌侵爾朕甚閔  
之然部屬私通實亦自取今毋聽其誘或有警急馳奏  
戊戌翰林院侍讀陳詢為侍講學士黃諫服闋補編修  
庚子署光祿寺事戶部左侍郎素亨子鍾為中書舍人亨嘗  
得之

壬寅外戚孫奉祖凶暴殺人 上念 皇太后姑戊邊遂勅  
府軍前衛指揮孫繼宗及弟紹宗顯宗續宗純宗曰朕觀前  
代戚屬馮藉聲勢肆為暴橫卒致禍敗我新祖宗法度嚴明

褒善罰惡非前代比宜洗心守分庶保爵祿  
甲辰琉球中山王尚忠入貢請封

汀州府經歷王得仁為推官

廣西荔波縣改隸南丹州 舊隸慶遠府

丙午通政司右叅議 張隆致仕

丁未清河主簿王良為桃源知縣

頒道藏經

壬子戶部右侍郎張睿專巡視京師倉場

增戶部主事收臨清淮安船鈔

故安定王亦班丹子額占幹見封安定王

癸丑免雲南木邦軍民宣慰使罕蓋法歲辦銀八錠三年仍

賜各土官綵幣

甲寅翰林院侍讀江淵裴綸侍講杜寧謝璉王玉脩撰劉儼

商輅編修陳文呂原李紹楊鼎劉俊隸業東閣學士曹鳳陳

循馬愉督之通侍經筵

丁巳大理寺丞張驥為右少卿監察御史李奎刑部郎中蕭

維楨為左右寺丞

復李善汾州知州

守備馬營署都指揮僉事楊俊總督馬營官軍操練時人  
屢見嶺夾墻不追擊勅責總督獨石等處左都督楊洪協同  
守備都指揮僉事趙政有急併力毋私執失事  
戊午御用監太監喜寧乞青縣地四百十五頃遣視多民業  
別賜閒田七十九頃有奇  
己未募商納粟於廣寧前屯寧遠鉄嶺三萬連海六衛中鹽  
淮刮米荳四斗浙引一石二斗長蘆引六斗支俱不次  
遣視寧遠衛旱災  
禮科給事中余忭言銓選經也保舉權也仰惟 太祖太宗

之世一凡銓選吏部專職之仕版得忠良豪門無奔兢 宣  
宗時慮有遺伏爰命大臣旁求俊乂布按二司知府有缺令  
京官三品以下保舉初意未嘗不善法行既久多所比用舊  
例犯贓連坐舉主今復未聞所以互相徼習略不警憚先所  
薦揚或有過惡力為掩覆能人貞士耻媚拙容內而御史外  
而知府有任九年尚仍厥官賢否溷淆何所激勸哉臣惟昔  
之銓衡或未精是以 先帝改為保舉今之保舉既未公伏  
望 皇工復 祖宗之故廷議命如舊比周攀援者御史給  
事糾劾之報可

辛酉禮部辦事官鄭與常上太平十二策興學安民崇儒正  
俗用賢養士選兵牧馬行鈔積糧考官擇吏議行之命提學  
官課督社學選子弟需次補儒學增廣生

三月

癸亥朔

上發京師宿沙河

甲子次天壽山

提督遼東軍務左副都御史王朝奏同總兵官都督曹義巡  
廣寧兀良哈賊伏起義擊破之左叅將都指揮胡源等出關  
原遼陽都督焦禮出寧遠俱值賊破之共斬三十五級俘七  
十餘人獲畜產四千六百有奇

乙丑上祭長陵獻陵景陵

己巳還宿沙河

景陵衛倉火

庚午還宮

貸昌邑濰縣饑民粟四萬餘石

壬辰勅褒襄陵王冲烱孝弟侍母疾事兄韓恭王俱備禮

逮南京左副都御史周銓下法司以南京御史范霖等劾其  
擅置功過二簿設各倉軍斗令義子入內府領折俸布占官  
地多奸人妻也



癸酉鳳陽知府楊瓚請各儒學增廣生開科應試從之

許雲南武職就本鎮會官比試

乙亥給甘肅新附達官四十八戶各田五十畝

丙子右副都御史曹翼仍參贊甘肅軍務先傷足故馬昂代  
近疾愈也

復雷銘吳江主簿食正八品俸

免杭湖嘉興去年災租五十一萬五千五百十二石

戊寅守備偏頭關都指揮使馬貴工備邊六要操士卒便器  
械選馬隊謹烽堠識地利脩城塹工從之

四川茂州草坡寨首加悟仇蘇村寨走雜谷數年矣至是貢  
鉄甲乞贖罪許之

己卯沙州衛都督僉事喃哥等率所部千二百三十一人來

歸分置山東平山東昌二衛各賜田有差

庚辰減開平龍門二衛屯卒餘糧贖領五十畝納六石今減

開平四石龍門二石

辛巳跡平定州河道

壬午安南朝鮮入貢安南遣御史中丞何甫審刑院同知阮

蘭等言欽州地殿中侍御史程馭言龍州地

裁武定軍民府通判知事檢校和曲祿勸州同知  
癸未國子監祭酒李時勉致仕李時勉祭酒六年規條嚴肅  
恩意稠至諸生疾或不婚喪贍給之嘗潛察一生出舍跡問  
所在曰亡奴尾之時勉憮然曰游學之力曷資薪水耶生見  
其意識自媿悔因謝曰奴實不亡離學甘罪屢求去至是朝  
臣及國子生出都門外錢者殆三千人商賈廢市又百餘人  
送至通州泣別初時勉平恕南雍棟敬宗嚴重士望均屬時  
稱南陳北李翰林院侍讀蕭鑑為國子監祭酒

裁萊州府莞糧同知

亡商停蘇薪徵鈔

丁亥定朔州歲課仍三十稅一

蠲雲南河泊鰲課

命四川布政司廣濟庫綾錦布褐衣被等物依時直准官吏

旗軍俸糧鈔

科給事中陳傳行人萬祥祭故琉球中山王尚忠封世子

思達琉球國中山王

夜大星青白光有角霜涿太微西垣後二小星隨之

戊子鄧州涿民馬貴等三百五十餘戶求附籍有司不即受  
跡工許之

己丑五倫書成梓之

四  
三月辰朔福建銀場進去年萬三千四百金虧戶部侍郎焦宏  
之半命各場補辦

乙未提督速東軍務右副都御史王翱為右都御史總兵官

都督同知曹義為右都督右僉都御史李純為右副都御史

都督僉事焦禮施聚俱為都督同知

勅保定伯梁瑄左都督梁成署都指揮僉事申忠提督各營

牧馬

丙申免歸善長樂海陽揭陽災租萬四千三百四十餘石

己亥雲南總兵官黔國公沐斌奏招思機發不聽又掠緬甸

牛馬金銀臣分諭木邦緬甸刻期進兵 王從之

辛丑發萬金於叅雲遵化糴糧備餉

癸卯免保定河間大同大寧災租萬七千二十五石

賑淮粵饑

武功中衛指揮使華嵩與太監王振姪林爭伎當杖特髡其

首漆之械示教坊司成大同

甲辰戶部照磨張瑾工八事曰各鎮選銳士為頭班有警先行次班隨應曰沿邊營堡隘口甃磚石曰邊卒全給本色免折胡椒蘓木曰邊吏折俸如在京例准銀絹曰沿邊墩臺瞭卒人給皮襖禦冬曰迎送瓦刺使臣預借官旗耕牛駕車免軍士推輓曰隆慶州榆林土木二驛改屬附近萬全都司曰各總兵官增陰陽學官審天時地利工從之惟改驛增陰陽官不行因諭禮部月一集議群臣所言事

戊申諸城縣饑逃萬三千餘戶停其徵

已酉湖州饑免班匠赴京

庚戌免大名廣平真定去年災租萬八千二百四十餘石

辛亥貸襄陽荆岳柳饑民倉糧

巡按福建監察御史柳華上言處州涿民多盜福建江西諸銀鉄鉛場屢諭復業不聽臣令每村置金鼓揭燈擊應諸坑塲埋銳竹鉄蒺藜壘其徑穴禁兵器已復業二千五百餘人乞免徭役一二年從之

癸丑慶王秩隆留民間自宮者五人以長史不諫不奏下都察院逮之

乙卯故少保楊漣孫尚寶司丞壽入朝特留翰林院讀書

丙辰增廣東布政司右叅政鍾祿巡視海道  
蔚林州判官吳環為同知

減文武官吏俸鈔

丁巳復肥鄉知縣許顯任食從六品俸

免蘓常松江鎮江災租八十八萬四千七百七十餘石

戊午翰林院編修徐理為侍講檢討王振為脩撰

進士王鎮為刑科給事中葉盛葉斌為兵科給事中

戶科給事中章綸往浙江督光祿寺厨料杖斃工虞二解戶

劾下法司謫應州判官

己未弛山西邊民樵採禁

庚申故府軍前衛指揮僉事胡信子真襲職信妻保母恭聖

夫人李氏故累進至是求襲非例特世之

巡按直隸監察御史呂困言七事曰寬免災賦已徵者亦給

還曰選法司官同各按察司巡按御史平反冤獄曰添設撫

民筦糧筦馬等官非要地悉取回曰諸淫祠悉廢召民佃其

地曰定民間婚喪式毋奢僭曰舉山林脩謹文學之士曰廷

臣三載考稱乞例賜誥勅下廷議

辛酉免廬州災租萬四千五百餘石

崖州黎賊殺千戶陳政按察使郭智署都指揮杜信諭降  
之三

郭棐曰黎人居郡邑之中為心腹之疾非外表比也漢唐  
之際舉數千里之疆而棄之天下豈有歷世不賓之盜哉  
豈以羅旁之險浪賊之衆一旦夷之而井邑其地况婺嶺之  
黎乎嘗觀歷代禦黎失策則撫之說勝也撫非不善在彼  
不在我將何懲焉成化丁未征陳那洋之後黎人惴慄見  
軍即聽軍士覲其愚駭無故皆誥哨守等官又多凌虐困  
辱之不久復叛是以激之道啟之也正德丁卯千家羅活

諸村之橫兵憲王繼招之而益肆是以撫之道悞之也及  
王倬跡至獨持鵬勦不假外兵不費斗粟不遺寸鐵僅數  
日而亂定其逃入旁峒者率令擒斬解報莫敢違命賊死  
既定乃下撫令自是崖之封內牛畜被野盜寇絕跡然後  
知變生於激玩生於撫欲服黎者將何從乎

閏

甲

四

子

免

太原

汾州

災

租

萬

三千

八百

八十

餘

石

國

百

十

餘

石

國

百

十

餘

丁卯進士許仕達王福劉攸訓導王鼎為江西陝西山東廣  
西道監察御史  
保定淮安濟南蝗命捕之

庚午太監喜寧侵英國公張輔田宅不受寧弟勝率私闖啟  
輔舍人妻死事聞宥寧贖勝戍私闖於南丹衛

夜月犯木星

辛未勅禮部申諭內外母得私收闖人各於是成國公朱勇等

俱隸南

復楊聰三原知縣

免溧陽災租三萬六千七百三十餘石

龍溪縣盜起

甲戌除羅雄州逋租

戊寅許朶顏衛指揮乃見不花等移居白山避瓦剌也先也

免兗山東馬房倉火

己卯停昌樂縣逃租

各道監察御史陳璞等上言山東湖廣等布政司直隸淮安

等郡縣連被水旱人民艱窘或採食野菜樹皮或鬻妻妾子

女或深移他鄉甚至聚為盜乞令有司加意賑卹蠲免雜稅

停止正賦貪酷不才坐視民患者皆究治之命所司議行

工部營繕所所副蒯祥陸祥為工部主事蒯木工陸石工時

錄脩城功順天府帶俸經歷張忠乞陞上怒其干澤下獄

奪秩仍石工

壬午張福嗣除平侯張淳子

肅王瞻熾子洵陽王祿埤擇妃得甘州中護衛指揮樊俊女

已奏封或言俊惡疾宜廢禮部謂女無疾宜遂其婚從之

翰林院檢討金達為禮科給事中故兵部尚書金忠子

進士原俊朱海李駿周璠徐彬朱縉陳詠監生李鑑胡瀾趙

實李弼蔡鑑黃福生馮進俱為南京監察御史進士張讓莊

敏監生洪本昌覃浩李春吳倫俱為南京給事中時御史給

事中范霖等俱事失實繫獄

甲申耀州學正康拯請科場落卷俱付提學官詳校庶考官

不敢忽諸生不敢倖下部議

丙戌南京太常寺贊禮郎馮必政為寺丞初永樂間召仙

女隹奉真因薦舅馮仲彛為太常寺丞仲彛卒孫必政為真

武廟官進贊禮郎至是奉真又乞陞從之

戊子增四川茂州同知

庚寅免應天太平寧國池州安慶災租九萬二千二百十餘

石

五朔卯朔琉球國中山王世子思達貢馬



壬辰邢寬補翰林院侍講先刺其家居至是言事召至

丙申遣視吉安水災

爪哇國使臣陳麻勿率賜祭

丁酉周府河陰王子壘薨年二十一妃輩氏自經謚王懷僖

妃貞肅

署都指揮僉事陳惠提督廉甯高肇官軍守備撫治夷人

己亥勅大理寺左少卿張驥賑濟山東濟寧以南至淮揚雜

泛徭役悉與蠲免流移者招撫之所司官吏貪酷害民依法

究問

辛丑駙馬都尉王誼卒誼濟寧衛指揮僉事王佐子尚真定大長公主

壬寅廣東按察使郭智犯贓削籍

增陝西都司斷事杜廷安綏德理刑

常熟人魏宏通魏朝貴仇家奪之以聞上按所魏兵部右

侍郎李菁翰林院脩撰張益順天府丞夏銜監察御史虞禎

呂困中書舍人金純皆宏御人罰俸三月副都御史丁璿禮

科都給事中章瑾監察御史曹偉皆宏託交罰俸六月

甲辰平陽早開封河南彰德蝗

丙午修南京奉先殿

行人賈恪成始終知縣陳价博士張哲為陝西河南山西四  
川道監察御史

吏部聽選官陳倫言洪武時夏秋二稅但輸正耗後轉漕北  
京每石耗至二三斗今至六七斗以上官吏糧里索費又至  
三四斗且淋尖收之計正耗一石通用二石二三斗宜戶部  
定例都察院榜禁以革奸弊疏下戶部謂近例湖廣江西浙  
江每石耗六斗五升南畿五斗五升徐州四斗山東河南三  
斗江南運至瓜洲耗三斗七升至淮安三斗正糧尖斛耗糧  
平斛覆上報聞

丁未外供用庫草場火

己酉脩南京各祠廟

庚戌命戶部歲運十萬金於遼東廣寧糴糧許永平贖罪運  
米山海倉赴遼東寧遠

壬子巡撫河南山西大理寺左少卿于謙言流民至河南將  
及二十萬之食請量減稅糧暫停逋租馬匹雜辦各處解京  
鹽糧鈔暫存本處米麥每石折鈔五十貫改三十貫工俱  
行之

癸丑復常熟致仕知縣郭南任南勤敏有治劇才邑民當役

諭之曰能出粟四石准役子皆對曰善貯其粟歲用才三之  
二南請老紳民乞之

乙卯給思機發弟招賽居食隸錦衣衛初思機發遣招賽入  
謝命留雲南至是移京冀款思機發也

丁巳翰林院檢討王玉為脩撰南京國子監助教孫士用為  
檢討仍理助教事

戊午朵顏衛指揮乃兒不花弟阿魯花報瓦剌也先弟賽罕  
王攻殺乃兒不花命阿魯花襲指揮僉事領其衆

六甲子南京大風雨山川墮災

南京左副都御史周銓下錦衣獄瘐死給事中劉燁劉華甫  
于璠盧祥劉昭張雲翰贖徒復秩御史胡鑑辛浩潘英成鉄  
嶺衛左輔聞人談張斌張禮楊觀王紹宗儀溥張承翰尚禔  
俱謫驛丞范霖楊永論死給家貲之半贍銓家以劾銓多誣  
也

賑贛州臨江吉安水災

丁卯禮部右侍郎錢習禮致仕時朝貴多趨王振習禮不為

屈請老

賑沂州饑招逃民

庚午會稽趙伯泰自言宋裔奏宋孝宗理宗璿宮在會稽安  
定郡王墓在諸暨福王墓在山陰豪民田宅樵牧之臺基垣  
墉盡見毀斥下巡按御史王琳左叅議李源僉事高塔發豪  
民戍遼東

壬申占城國使臣左采提朔卒南雄之凌江驛賜祭

甲戌大同府通判霍瑄為知府

乙亥諭吏部毋以夷人為御史

中軍都督同知錢貴卒

昏刻金星犯太微垣上將星

丙子監察御史柳華請開麗水平陽等縣銀坑以礦少累民  
也從之

戊寅夜大星如椀流大餘青白光如斗燭地自天津流羽林

軍後小星十餘隨之聲如雷

庚辰象山縣疫免沒者田租百八十四石

癸未進士胡深張春為南京四川廣東道監察御史監生程  
亨郭鑑真鍾蕙蕭祿為南京陝西廣西雲南山東道監察御

史

甲申免垣曲縣旱租

七朝外朔賑永平鳳陽河南蝗災

癸巳巡撫河南山西大理寺左少卿于謙外艱命奔喪即赴

任

甲午左軍都督同知焦禮守備遼東寧遠

丙申免代忻郊城費遞租布絹鹽鈔

丁酉真定大名蝗命捕之

己亥復蕭增江浦主簿食正一品俸

故占城國王占巴的賴姪摩訶貴來遣使言先王以臣為世

子臣幼遜國於舅摩訶貴該屢侵安南兵抵舊州古壘

擒摩訶貴該臣代其位請封遂遣

科給事中陳宜行人薛

幹往封為占城國王

翰林院侍講王一寧檢討錢溥主考應天

故定遠忠敬王沐晟附黔寧王吳廟歲祀從雲南軍民之請

辛丑贊理雲南軍務戶部右侍郎沈固上言帝座有宦者之

星周官設常侍之職今內官保護聖躬贊翊皇化其功尤著

乞如外臣例給誥勅為身家榮不聽時瑞燭方熾故固媚之

癸卯監察御史梁輯憂居凌寺僧僧訴於京請知縣

甲辰外解紵絲羅絹各署號提調織造官吏名氏

勅邊將練士選銳備出塞  
乙巳復杜讓安定知縣食從六品俸  
巡視河道山東布政司右參議王聰下臺獄以盜決隄也  
丙午武定侯郭珙卒  
庚戌秦寧等衛夷掠於也先乏食附邊求土物易粟命果來  
歸安置廣寧魏家嶺關外否則聽牧塞外毋近邊  
上聞瓦剌復欲侵兀良哈勅海西野人女直建州三衛都督  
李滿住凡察董山等如一盡誘即擒獻  
停泗城州利州浦租

癸丑雲南右布政使賈銓為左布政使

夜金星犯亢宿

丁巳杭州府同知侯昌為處州知府

戊午爪哇貢鸚鵡紅綠白三色

曉刻火星犯土星

八期申朔日食

封幼壻潘世子幼壻清源王幼壻遼山王幼壻平遙王幼壻  
黎城王幼壻稷山王幼壻沁水王幼壻通山王  
增獨石永寧等墩臺百四十六自龍門亂泉寺至龍門衛

壬戌應天安慶廣德山東旱蝗相仍軍民饑殍上惻然謂  
戶部曰天災未有甚若令者朕夙夜惶懼卿等思弭卹之道  
亟行之

總督獨石等處守備左都督楊洪為鎮朔將軍總兵官鎮守  
宣府都指揮僉事楊俊總督獨石永寧等處守備

丁卯翰林院侍讀習嘉言侍講邢寬主試順天

己巳監生吳玉楊伸為戶部主事

寧夏總兵官黃真乞選河南操軍三千人分戍寧夏延綏不  
許俟邊警赴援

辛未暹羅國王思利波羅麻那惹智刺入貢

甲戌京衛帶俸都指揮同知丘真提督雲南臨安衛守備

夜月犯外屏西星

乙亥起復四川布政司右叅議徐璟仍理邊儲

丙子邳州蝗

己卯後軍都督僉事李瑋卒

月犯五諸侯南星

己丑靖遠伯王驥上鉄蒺藜圖馬韋衡三尺長四尺布釘百  
八十芒一寸有奇每步一具四百具列一里四千具列十里

值寇即置地稍退寇突至馬蹶安營環於外部謀利於守不利戰下邊將酌之

兵部右侍郎李菁卒菁長洲人進士授兵部主事歷郎中太僕寺少卿從王驥征麓川外艱不聽歸功成遷兵部左侍郎終喪兵部尚書鄺楚薦其才補兵部右侍郎在兵間久知邊鄙地圖阨險遠近甚深以此倚之為人長者居鄉甚著行義賜祭葬

劉鳳曰聞之長老云當英宗時朝野方以爲為事甚實謀之菁菁為具言所以戒慎而中官振務微一時譴納偏說不參稽且席中國累葉威強氣奮決策於內茂實言不用亦前死故得不被書云無悔老成人則計之生熟於得失可知矣

九廟寅朔守備開平獨石軍務山東布政司左叅政尹聰還京夜大星青白光燭地自天廩沃天苑

癸巳勅巡按山東直隸監察御史史濡童存德各選卒聽征都指揮僉事曹廣於東昌平山二衛安插降夷耕種生業

甲午夜東南天鳴有聲

乙未戒徵船戶課鈔十之八



禮部右侍郎兼翰林院侍講學士馬愉卒愉字惟和臨朐人  
宣德丁未進士第一授翰林脩撰進侍讀 宣宗實錄成進  
侍讀學士正統五年直閣十年進今官端重簡默門無私謁  
再主禮闈精心檢閱年五十三賜祭葬贈禮部尚書兼翰林  
學士故事贈無兩官自愉始

丙申山西左布政使石璞左叅政朱監按察使林文秩僉事  
黃文政考官郭明郁教諭吳驥同考官知縣黃子嘉鄉試題  
詩經維周之桷犯楚昭王諱禮部糾舉各罰俸一月  
丁酉停濟南青登萊逃租

初錦衣衛籍梅州徐翰家刑科給事中王理知之語按察副  
使王裕裕語翰致匿理等俱下錦衣獄論死命錮之裕禮部  
左侍郎兼翰林院侍講學士王英子英待罪請遠裕已戍裕

大同威遠衛

夜月犯壘壁陣西星

禁兩京陝西河南湖廣甘肅大同遼東以白地青花瓷器售

外夷

移解州長樂巡檢司於鹽池南

辛丑夜月犯外屏西星

壬寅大同把總操備都指揮僉事吳浩為左叅將

大同總兵官武進伯朱冕侍郎沈同等上禦十六議曰守每

秋深亟收田禾窖藏老弱盡入城寨曰戰大同分三路若小

寇則一路出禦大寇則三路互援曰劫口奮馳夜宿選銳士

夜劫其營斬獲重賞曰追口得利出塞負重行遲不得利則

罷困或據險設伏或分擊躡後曰選兵曰車戰口悉從之

乙巳夜大星青白光自閣道旁流游氣口

丙午晉府臨泉王美塔薨年二十八謚莊簡命國口

戊申浙江文武官俸米減支如舊初倉粟溢悲腐故增給口

後軍都督同知王或卒盧龍人靖難功

己酉勅提督遼東軍務右都御史王朝曰也先侵兀良哈脅

泰寧朵顏二衛惟福餘奔愴溫江欲冰凍追之因徃海西收

女直爾宜遙振軍聲使聞風遠避斯全策也

庚戌陝西按察副使陳嶷謫揭陽柘山驛丞坐妄言惑衆也

癸丑夜月犯太微垣工將星

丁巳駙馬都尉沐昕掌南京後軍都督府事

府軍衛正千戶馬雲驍騎右衛副千戶馬青齊綵帛萬三千

三百五十五匹率吏卒百七十一人使瓦剌以脫口不花王

及太師也先使臣皮兒馬黑麻等二千一百四十九人來貢  
馬四千一百七十六匹宴於大同也先前掠大同卒四人雲  
等索之已過害遂還連東卒四人時也先誘回、鎖魯檀哈  
密使臣脫、卜花撒馬兒罕使臣馬黑麻的等俱入貢公私  
驛騷邊患日棘遣視松江紹興旱災

戊午河南道監察御史萬節等言遣祭行禮各官急急或託  
代或家宿或群飲或嬉笑令乞禮部嚴飭從之

十  
庚申駙馬都尉井源掌宗人府

丙寅勅南京戶部右侍郎張鳳兼提督倉場

己巳右僉都御史盧膚為右副都御史仍兼督寧夏軍務

戶部郎中鄒來學被闕進通政司右叅議督理永平山海等

處草

廣西總兵官晏遠侯柳溥乞父升封謚許之

辛未賑巢縣饑

壬申遣視徽滁廣德濟南濠陽黃荆岳常德沔陽順慶旱災

庚辰巡按直隸監察御史林廷舉言吏部者朝廷所使進退

深品者課銓選也近來三司等官及軍民人等槩將方面有

司具奏保留至擢擬陞其官擬改其任天改任者以為才固  
不必改也才則彼民非民與保留者以為不賢固未必留  
也果賢曷若多方分惠與矧其所舉多以逢迎諛悅為卓魯  
以催科格剋為龔黃撫字心勞目為迂懦剛介不阿斥為愚  
戇闕况之使互相倣習煽惑愚民蒙昧保舉復任之後惟圖  
私報曷念在公紊亂侵官莫此為甚乞嚴加禁戢下吏部議  
命滿九年去任者聽保留未及去者不許并下廷舉所言於  
中外

辛巳夜月犯太微垣右執法星

癸未襄城伯李隆卒隆永樂四年嗣父濬爵累從北征充總  
兵官鎮守山海永平尋守備南京兼署中後二府正統六年  
召還掌行在中府十年巡大同器量弘偉讀書知大義臨事  
侃、馭軍有紀律人莫敢犯鎮留都十年威惠並著富貴  
尊嚴擬於王者人仰望丰采既徵還始近聲伎為自安計賜  
祭葬

王直曰晉之卻轂以詩書禮樂將中軍晉是以大漠諸葛  
武侯不使有餘財以負昭烈公庶乎是矣公自號湛然道  
人亦以是稱之於乎茲其所以為湛然者與

雲南總兵官黔國公沐斌等率兵進攻思機發思機發懼遣  
使入貢命斌等趣其入朝毋貽惠  
四川按察司僉事王琦致仕野乘中軍書士以大臣請  
戎子脩武伯沈榮筦三千營左右十隊平江伯陳豫筦神機  
營右哨  
十一  
己丑朔賑南昌吉安臨江廣信九江饒撫及瑞金縣饑  
庚寅 皇長子見深生

大理寺左少卿于謙服闋入朝時裁河南山西巡撫除兵部  
右侍郎謙外鎮十九年歲饒糴民粟儉則平直以糴齊秦涿  
民至者給田牛而以次貢其稅毋與土著涓堤河廣屯吏民  
賴之

辛卯瓦剌脫不花王及也先使臣至遣宣府守將楊洪書  
事聞勅洪禮之報札申國家威德耳毋嚴拒失上款時洪著  
威望之畏之往來輒貺

癸巳總督邊儲山西布政司右叅議張維下都察院獄維委  
官理儲多禮適進表至被劾  
夜大星青白先自鬼宿深近濁

戊戌沙州衛遺衆矮爾丁把刺亦等來歸分隸東昌平山二

衛... 已亥夜月犯昴宿... 庚子解州獻瑞粟一莖二穗至五穗... 辛丑免濟南青登萊災租... 壬寅設益實左衛... 癸卯都人王官孫自言其女有奇相請入掖庭不許... 甲辰福建布政司右叅政宋彰入朝黃緣得左布政使... 乙巳都指揮使杜忠守備山西偏頭關... 林聰服闋補刑科給事中... 丁未北... 阿見脫台來歸言也先謀入寇脫... 不花可汗... 之也先計吾自為之日騎蹂蹙塞下彼田不得耕民不得息乃... 可逞也也先又釋所掠哨卒二人傾京師命阿見脫台授南... 京錦衣衛鎮撫帶俸... 癸丑考節凡衛都指揮哥哈遣官入奏黑龍江諸部野人欲... 來朝貢乞付勅招之... 上曰朕不能勞人以事遠若其自來... 固不拒也... 甲寅欽天監監正彭德清言欽造銅儀夏官正劉信測驗北... 京北極出地四十度強南京北極出地三十六度日出時刻

庚子解州獻瑞粟一莖二穗至五穗

辛丑免濟南青登萊災租

壬寅設益實左衛

癸卯都人王官孫自言其女有奇相請入掖庭不許

甲辰福建布政司右叅政宋彰入朝黃緣得左布政使

乙巳都指揮使杜忠守備山西偏頭關

林聰服闋補刑科給事中

丁未北... 阿見脫台來歸言也先謀入寇脫、不花可汗

之也先計吾自為之日騎蹂蹙塞下彼田不得耕民不得息乃

可逞也也先又釋所掠哨卒二人傾京師命阿見脫台授南

京錦衣衛鎮撫帶俸

癸丑考節凡衛都指揮哥哈遣官入奏黑龍江諸部野人欲

來朝貢乞付勅招之... 上曰朕不能勞人以事遠若其自來

固不拒也

甲寅欽天監監正彭德清言欽造銅儀夏官正劉信測驗北

京北極出地四十度強南京北極出地三十六度日出時刻

南北不同今宮禁及官府漏箭皆南京舊式不可用遂命內  
官監改造

乙卯嚴私鹽之禁

丁巳都督僉事喃哥卒因即來子弟克羅俄領古嗣後賜名  
氏羅秉忠

前吏部尚書郭進卒進新安人永樂初授戶部主事勤能遷  
福建布政司右參議年財二十四歷工部右侍郎轉吏部左  
侍郎秩滿進尚書持銓十四年名稍不及塞義然潔肅務採  
實行不用浮薄進士李賢謁選試嘉禾詩即奇為輔相才補

驗封主事其知人類此朴實安靜無遽色年七十七賜祭葬

十二月朔命死罪擬輕者戍邊

辛酉夜大星赤光照地自貫索深天市東垣

壬戌限一品官誥五軸二品三軸三品二軸四品五品一軸  
六品以下勅一軸三考始給時工部尚書王彥言文官馳封  
誥軸或十道或八九道致闕給不敷故戒之

甲子貸高郵州饑民粟九千五百餘石

丙寅哈密衛都督僉事脫不花為都督同知都指揮使陝  
西丁為都督僉事

戊辰夜月犯五軍星

己巳翰林院編脩江淵為侍讀

起復陝西右布政使王暹

壬申免池州去年災租萬一千餘石

甲戌禁鏡州私造黃紫紅綠青藍白地青花等器冒者首

犯磔死籍家貲丁男戍邊知不告者連罪坐

丁丑嚴四川陝西私茶之禁

辛巳進士黃鑄項璉朱英嚴樞張翰胡端曹得監生錢清張

凱為監察御史

癸未夜大星光赤黃燭地自中台深太微西垣後三小星隨

之

甲申瓦剌也先所部把把來王以二千騎屯伯塔山哈密

哥不花子與頭目滿刺平章來其出率衆襲之悉俘其人畜

事聞命甘寧延綏總兵官備也先之報復

乙酉召陝西按察副使張楷楷理邊餉中官薦其博雅兼善

兵



戊辰正統十三年

正月己釋南京故曹國公李景隆家屬三十八人拘繫

乙未封淮世子祈銓為淮王代世孫仕壘為代王鍾鏗河東

王鍾鏗大谷王

丁酉工南郊

吏部大計罷片五百一人

庚子勅通政司右叅議鄒來學往理薊州山海永平糧餉

禁口北路隸弓矢軍器於夷使

迤北尾刺使臣都指揮同知皮兒馬黑麻為都督僉事

壬寅琉球赤力杞里等八貢

命兩京山東河南捕蝗種

丙午夜火星犯房宿

戊申李賢服闋補吏部文選郎中

庚戌免廣平縣去年災租十二十餘石

壬子行人甘澤為江西道監察御史

乙卯南京禮部右侍郎金閻卒閻字公素吳人家貧無書寓

讀於人學於俞貞木永樂初薦善書授司經局正字直東宮

會有累與黃淮楊溥繫請宥十年洪熙初進翰林脩撰時引

對有所匡益宣德乙卯進太常少卿兼翰林侍讀學士正統  
癸亥調南京太常寺明年進禮部右侍郎歷四朝皆在肘  
腋參預時政每有撰述未嘗不在其學長於訓詁尤工書解  
星曆凡聲嘗病禁寒時欲得羸蚌即解衣覓進之其友愛如  
此賜祭瘞

是月太湖大小貢山關踰時而止

二月己朔勅哈密忠順王倒尾答失里及各頭目曰朝廷樹立  
之恩於爾先世甚厚背德不祥慎勿為人所誑惑也時哈密  
畏也先故稍貳於朝

戊午夜火星犯罰星

己未隆平縣丞米進為藥城知縣復李顯鎮原縣丞食正七品俸

翰林院侍講學士陳詢主試應天訖枉道還松江被訐下獄  
還秩

復李顯鎮原縣丞食正七品俸尋調安陸知州

脩大興隆寺寺初名慶壽在禁城西金章宗建太監王振言  
其敝命役軍脩之費物料巨萬壯麗甲於京都 上臨幸焉  
免廣德建平災租

庚申進士馬頊為湖廣道監察御史學正謝獻為南京陝西

道監察御史

辛酉復李茂平陽府通判食正<sup>五</sup>品俸

命四川徵細茶易番馬

許雲南屬夷仍納馬先是徵金

金星晝見昏刻月犯昴宿

甲子工部右侍郎兼翰林院侍講學士高穀侍講杜寧王禮

闈

乙丑勅諭麓川叛賊思機發入朝并孟養宣慰司各頭目勸  
駕而思機發竟不至則孟養陰右之也

夜月犯五諸侯星

丙寅臨安府同知徐文振為知府

丁卯工部尚書王蚤致仕

廣東新會新興等縣盜起

戊辰戶部主事張用瀚為吏部驗封司員外郎

己巳改工部主事理淮安儀真瓜洲河道

令戶部主事孟玘同監丞李保住於各草場植柳辨界

麓川思機發貢象馬賞其使如初惟留思機發賜物俟自至

濟睢州巴河

辛未巡按直隸監察御史周瑜有妻再娶下獄

癸酉忠義前衛倉火

甲戌將樂訓導王昌順請宋儒楊時從祀孔廟下廷議  
李珍嗣襄城伯李隆子

乙亥楚府崇陽王孟煒薨年六十一謚靖簡

丙子山西按察僉事戴誠為河南布政司右叅議疏通河道  
夜月犯心宿

巡視銀場監察御史王珉言福建先侍郎焦宏定歲課二萬  
外千二百五十金後御史馮傑按止萬三千四百金今礦徵

民困乞如傑擬不聽

己卯麓川思機發逃孟養不出雲南總兵官黔國公沐斌進  
兵金沙江瘴阻俟秋往且乞師命徵南京各省兵期八月至  
雲南

壬午工發京師宿沙河

乙酉祭長陵獻陵景陵

三朔戌朔次天壽山

戊子還京

勅責孟養軍民宣慰使司大頭目刀變蠻等匿思機發之罪

能擒獻為上策拘思機發報官軍圍之為中策否且見討悔  
無及也

監察御史林廷舉言元時衛河分引漳水支流永樂填淤舊  
跡去廣平大留村十八里宜鑿通過漳水轉入燕免民患且  
可增衛水以資漕從之

庚寅署都督僉事張軌田禮董興范雄俱實授都督僉事  
夜月犯五車星

壬辰陝西按察副使張楷為右僉都御史  
增淮安課鈔

癸巳免順天河間重慶災租七萬五千三百餘石

甲午賑和州饑

庚子策貢士岳正等百五十一人於奉天殿賜彭時陳鑑岳  
正等進士及第出身有差是日臚唱彭時後至鴻臚寺卿廷  
劾上遲之良久置不問進士李泰伯父太監李永昌齒錄  
稱繼父

壬寅兵部尚書靖遠伯王驥總督軍務都督同知官聚為平  
蠻將軍總兵官都督僉事張軌田禮為左右副總兵方瑛貴  
州都指揮同知張銳為左右叅將率南京雲南湖廣四川貴

州官土軍復征麓川思機發俾孟養舊宣慰乃孟賓為嚮道  
又勅木邦緬甸南甸于崖龍川等宣使乃孟發等各助兵餉  
談遷曰思任發既誅其子思機發潛往孟養直抵離耳招  
許之不至伺隙乘釁付之滇聞足矣復勤王師萬里徂征憊  
西南之民力藝九廟之神威彼闕振何足責王蒙毅身為  
大帥久在行間宜力陳利害深為天子詳其曲折當選  
制於幃幄之內乃附和權貴遽受服而出獨不念滇民亡  
辜腦髓塗地耶噫

乙巳廣東控賊掠龍水縣守備署都指揮僉事陳惠遠指揮

僉事張玉等追敗之擒四人斬十二級

夜月犯箕宿

戊申貸寧波紹興饑民倉糧

己酉廣西蠻劫高州

辛亥工部右侍郎王佑父喪令奔喪赴任

大星赤光晝添至游氣

癸丑鎮涼州副總兵署都督僉事劉廣卒世知甘州中衛指揮

四丁巳免浙江江西去年災租九十一萬餘石

戊午戶部右侍郎焦宏督運雲南軍餉

前軍左都督馮斌卒追封邢臺伯謚襄武賜祭葬

己未知縣焦寬為雲南道監察御史

庚申皇次子見漢生

定國公徐顯忠卒

夜大星青白光燭地自天市涿天并

甲子貸黃梅縣饑民倉糧

乙丑給遼庶人貴哈妻子歲祿如故

夜月犯太微垣右執法星

丁卯召大同總兵官武進伯朱冕

巡按河南監察御史夏裕言王府長史紀善伴讀教授專匡

王不逮今齎表奏事累曠年月乞後遣他官庶盡輔導從之

己巳南京翰林院侍講學士周叙請刪脩宋史選文學三四

人共加論述上曰毋擇人即叙自竟之

安南入貢

夜大星青白光自天大將軍派近濁

庚午諸城縣蝗停逋租

癸酉選進士萬安曹鵬熊璿劉吉孫茂劉珮王勤謝瓌白行

順李泰宋弼邢謙劉清喬毅李本李鏞王恕孫昱孟祥曹輔

韓敏尹吳張斐李讚李寬華顯霍榮郭安李堅成章引見內  
廷為翰林院庶吉士侍讀習嘉言侍講王一寧編脩趙恢教  
習  
灤水電白等縣猺賊作亂勅廣西總兵官安遠侯柳濬會廣  
東署都指揮僉事王清尅期並勦

甲戌遼府益陽王貴樛薨年三十七謚安僖

乙亥夜月犯十二諸國秦星

丙子勅泰寧福餘朵顏三衛爾收遺衆歸爾舊地如舊  
奏來安插於遼東

己卯翰林院庶吉士倪讓為中書舍人仍四夷館習譯進士

孫祥曹凱為兵刑科給事中

庚辰刑部右侍郎薛希璉右僉都御史張楷分詣兩畿鳳陽

保定捕蝗

免湖廣旱災田租七十五萬一百餘石

歲貢生江陵張祭廷試懷挾特戒邊

辛巳詔熱審

癸未禁募僧戴像鳴鑼擊鼓

五月丙酉朔夜大星如椀青白光燭地涿雲中



丙戌濟南青登萊俱蝗命捕之

丁亥山西左布政使石璞為工部尚書璞秩滿入朝太監王振薦之

己丑夜大星清白光自華蓋派至濁

庚寅禁用銅錢時鈔一貫准錢二文監察御史蔡愈濟請罪行錢者

壬辰南京右僉都御史張純為右副都御史

乙未遠四川左叅政連均以峻訟枉人也

丙申行人雷復羅澄為陝西雲南道監察御史

丁酉烏思藏番僧綽吉堅聚為灌頂弘慈妙覺大國師賜鍍

金銀印

己亥勅安南國王黎濬釋占城國王摩訶賁該毋構怨稔毒

辛丑遣禱於寺觀祠廟諸神

免在京菜戶鈔

癸卯定雲南騰衝衛中鹽例兩淮四川鹽每引米一四斗浙

引三斗五升雲南五井引六斗黑白二井引五斗

甲辰河南山東旱蝗勅刑部右侍郎丁鏞巡視賑濟

丁未妙勝禪師鎖南藏卜為國師刺麻剌失班丹為都綱給

銀印

庚戌都察院右都御史陳鑑乞嗣子准入太學不允

壬子命中外學宮元時所塑孔子像為左衽者悉改之從絳

縣訓導張幹之言

賑無為州饑民粟萬一千餘石

懷柔劉廣鄱陽樊侃整屋李肆漢皆自宮求用成鉄嶺衛

何喬遠曰祖宗朝宦侍皆出俘孽罪囚至景泰中乃有

自宮求進者暫置之罪竟得收用自是畿甸之民以至山

東西齊魯閩陝之間其希圖避徭以幸富貴者家有數子

輒一闔之名曰淨身男子上書求用至以千數其無所附

託派為棄人乞子者亦相屬矣正德中于經得志經父來

見下簾笞之曰爾忍闔兒後乃上堂稱父子抱持而泣也

癸丑免隰州鄉寧等縣去年災租三萬四千七百餘石

甲寅襄王瞻塔奏妃父指揮僉事李玉卒請遣官祭葬又為

郡王郡主請弔賀於其外戚家禮部尚書胡濙請如韓王往

南京祭掃祖塋例允所請無上責濙祖塋也而何可比外戚

不許

六月朔朔廣西蠻殺掠潯梧等處命總兵官安遠侯柳濬勦撫

六如受撫且息兵嚴守

丙辰兵部言宣府總兵官楊洪改青邊口牧馬右少監趙璟

謂其非便將吳從上上如洪言責璟偏執

戊午裁湖廣辟縣儒學訓導

賑郟城縣饑

己未復施守正泰安知州

廣西蠻破雷白縣命驗被殺家優卹之

庚申雲南蒙化州為蒙化府

辛酉復王用觀城知縣

壬戌雲南布政司右叅政馮郁叅贊軍務

廣東清軍監察御史劉訓言高州肇慶徭人為信且灑水徭

人誘劫撫之遺害乞如瓊州例命徭首能撫五百戶以上授

副巡檢千戶以上授典史二千戶以上授主簿工從之

丙寅賑如皋縣饑

庚午弗提衛都指揮使察阿奴為都督僉事

癸酉翰林院脩撰張益為侍讀學士

陳留縣言河決金村隄及黑潭南岍已築治復決乞發軍協

助從之

甲戌嚴越訴誣告之罪

丙子開封汝陽蝗有禿鷲萬餘啄之盡命禁捕鷲

丁丑兵部右侍郎于謙內艱命奔喪還任

己卯免濟南府田租三萬七十餘石

夜大星如椀赤光燭地自望宿涿羽林軍

壬午鎮遠侯顧興祖成安侯郭晟永康侯徐安恭順侯吳克

忠駙馬都尉佳敬永順伯薛綬忠勇伯蔣信遂安伯陳瑄都

督李忠陳友吳克勤俱失朝奪歲俸

大星青白光晝流雲中

甲申浙江按察使軒親工四事曰求賢近薦舉懷才抱德賢

良方正經明行脩之士多權勢戚故經學不諳案牘莫曉令

後徇濫連坐其罪曰曠職浙江都司衛所官或二三日不至

堂或至堂即回乞巡按御史察詰曰明律曰私債曰不悉行

之

荆州知府劉永卒永字克脩大庾人一進士自刑部郎出

守愛民如子及沒郡人巷哭有古循吏風

大名府滏陽河決滄三百餘里壞私舍二萬餘區溺千餘人

命戶部遣官賑卹除其租稅

七月朔遣視河間濟南東昌青兗寧夏水災

京師飛蝗蔽天

丙戌夜大星青白光自天津涿天市東垣

丁亥免西安平涼夏稅屯糧二分之一

沙州衛鎖南奔等以也先偽封祁王甘肅總兵官寧遠伯任

禮率兵抵罕東擒之

戊子徐承忠嗣魏國公徐顯忠弟

辛卯誅南京刑部右侍郎齊韶下獄南京水軍右衛指揮僉

事賈福以異姓陳珙爭襲賂韶右之大理寺少卿廖莊駁其

獄韶竟杖福死事聞逮韶等下錦衣指揮馬順謂韶稱太監

王振鄉戚凌其部長淹囚歲死百二十餘人百戶史宣姪女

被內選偏為妻僭市永嘉大長公主卧床遂論死韶屢訴卒

棄市

壬辰南城妖人龔謙善媚術因禮部尚書胡濙賂事發戊

鉄嶺衛

癸巳巡按河南監察御史冷謙言竊見內外官初任之時莫

不砥礪束脩及得授方面知府歲不二三遂改度操徃、累

及薦舉大臣誠以厥初希望而後怠廢乞遵洪武永樂舊制

一從吏部選擇陞授或 皇上親擢任用從之遂罷大臣舉  
官例

丁酉免真定太平楊州災租二萬九千餘石  
戊戌寧夏久雨河決漢唐壩黑山營

丙午陝西行都司都指揮使毛哈刺為右軍都督僉事

己酉河決新鄉、柳村口漫流山東經曹濮衝張秋潰沙灣

東隄壞田廬無筭命工部右侍郎王永和治之

癸丑浙江左布政使孫原貞請益立義塚不果行

甲寅朔順天府通判沙安為治中

乙卯遣視鳳陽徽州水災

福建盜起沙縣鄧茂七初自建昌亡命入閩巡按御史柳華

患盜檄鄉各立隘門望樓什伍其民茂七推擇為長雄於鄉

閩佃輸粟主家餽少物茂七令母餽而田主自往受粟主家

訟之不受逮格殺吏卒攻掠沙尤二縣殺千戶楊琮擄千戶

張能劫上杭烏合數萬僭號閩王署官屬尤溪爐主蔣福成

又應之閩大振延平衛千戶張聰指揮僉事范真參議金敬

副使邵宏譽各往勦不克茂七攻沙縣執致仕知縣廖文昌

由貢士拜御史巡兩廣會擊  
亂貶星子典史遷東阿知縣

戊午夜大星青白光燭地自天紀涿梗河

已未免應天鎮江松江蘇常去年欠租五十五萬四千七百餘石

庚申進士沈紀監生王晉包瑛為廣西貴州浙江道監察御史

辛酉免磁州涉縣逃租

昏刻大星自大角涿雲中

甲子鄧茂七攻延平巡按監察御史張梅參議金敬等登城諭之有緋衣賊曰我曹苦富民魚肉有司不我直耳如朝廷

宥我且立散乞免徭三年都指揮范真等戰於城外先登舟衆遂潰真與指揮彭璽等俱死都指揮同知雍楚隱其敗云真夜行而溺

丙寅太常寺少卿兼翰林院侍書程南雲為寺卿仍內直

己巳溫州推官官安為廣東按察僉事

翰林院脩撰許彬父喪命奔喪仍習譯

夜月犯外屏西星  
辛未杭州知府高安言歲課鈔十萬六千八十貫有奇或年久店絕容補其新者上從之命戶部布其令於天下

甲戌秦府宜川王志堞薨年二十九謚莊靖

命監祭御史丁瑄撫鄧茂七又左軍左都督劉聚往勦右僉都御史張楷監其軍上才楷得用鼓吹導騎出都門文武大臣祖餞丁瑄諭茂七不聽曰吾取延平據建寧塞二關傳檄南下八閩誰敢難焉都指揮張劉等以四千人道雙溪隘甚賦伏三千人村舍伺兵行盡兩將殿後碎舉排柵塞道前驅不可返遂殺將吏我師潰

丙子罷各部郎中員外九載會考之制從吏部都察院考覈辛巳禮部左侍郎兼翰林院侍講學士王英為南京禮部尚

書翰林院侍講王一寧為禮部右侍郎

巡撫大同宣府右副都御史羅亨信奏塞卒勞邊歲無寧日餘丁無他生業惟事田作而已今計一歲得盡力南畝者十

無八九蓋每歲正塞卒候接北使臣二月出境三月始得

就田七月又復採草八月以後修關備邊十月又將迎接使臣矣邊地沙礫磽瘠霜旱雨遲收穫甚薄聽之自食猶慮不足若徵其稅必致逃竄昔太宗皇帝時詔關邊土者無徵皇上初年亦有是命今大同宣府所有新闢戶部遣官經量入除八十畝外餘地每畝徵稅五升臣竊謂為戶部者但



知積粟實邊孰知守邊在人人心不同誰與共守之罷其彼  
工嘉納之

壬午廣東布政司左參政王來為河南布政使  
占城國王姪摩訶貴來貢舞象

同州知州秦銘請州學四年三貢從之

九月酉進士應顯李梁為監察御史

丙戌廣西道監察御史王永壽為工部右侍郎

賜寧遠伯任禮世券以補沙州部落功

丁亥寧夏守備都指揮司知張泰為右軍都督僉事征西將

軍總兵官鎮守寧夏召寧夏總兵官都督同知黃真年老回

曉刻土星犯靈臺星

戊子兵部言正統十三年四月前中外衛所冊報清軍共六

十六萬六千八百有奇今御史盛琦等僅清出六萬一千二

百人餘分十次遞報從之

晉府永和王美鳩蒸庶母白氏生子詭云宮人出請名鍾鏐

亂其女弟縱衛卒奸宮人翠兒死弟鎮國將軍美埤奏之召

鞠俱實詔廢美鳩為庶人銅京師

選浙江江西卒各三千人委都指揮征鄧茂七

內使金榮等三人走密雲為僧緝獲誅之

癸巳左副都御史張琦卒孟縣人 御史歷工部左右侍即賜祭葬進士授交趾道

甲午江西新城縣疫人

夜火星犯狗星

丁酉故代世子遜端追封代王謚悼矣

戊戌寧王權薨王母楊妃洪武二十四年封大寧古會州也

東連遼左西接宣府為要鎮王所統邊城九十帶甲八萬革

車六千諸胡騎若朶顏諸夷皆驍勇善戰靖難初燕王從

千餘騎直趨大寧以王還北平蓋王善謀陰劫之而西後封

南昌邑人告王誹謗巫蠱事竟已自是不敢有求請覆殿鏡

甌用瓦而已不琉璃而構精廬一區時花藝竹鼓琴讀書其

間用是得終仁宣時王自謂尊叔父數有請然數見拒他

日求鉄笛宣宗曰笛滌也予之王白哲美髯負氣好奇嗜

學博古自其童時自稱大明奇士晚號癯仙弘獎風流儒雅

之士並得游從著通鑑博論家訓國範天運紹統錄醫卜脩

煉琴奕諸書手作博山爐古瓦研皆極工年七十一謚曰獻

巡按福建監察御史張梅奏賊延平乞降狀上許之免徭

三年諭兵部遣錦衣千戶劉壽貸賊招撫

庚子諭禮部曰聞內外官有事至王府者多方需索致其害迫自今止許禮待酒饌勿與餘物三司并巡按御史體實來聞犯者悉論死全家戍邊三司御史知而容隱者重治之

辛丑寧都縣大雨水

壬寅長興縣丞國蔡為知縣

夜月犯五諸侯北星

甲辰復王玉翼城主簿食從一品俸

十乙卯復田玉桐知縣

司設監太監吳亮請老從子江廕錦衣衛百戶

少監林壽齋勅諭甘肅總兵官任禮王敬王喜劉法貴都御史馬昂等整兵備

丙辰曉刻水星犯亢宿

丁巳大興隆寺成

禮部儀制司帶俸郎中胡種以妻凌其妻被訐下獄戍邊

戊午免兖州逃租萬三千九百五十餘石免池州災租四萬七千七十餘石

庚申工部右侍郎王佑免佐

進士授武選主事父事太

監王振擢侍郎佑美姿貌不鬚振嘗曰侍郎何無鬚佑曰大

人不鬚見何敢有貪淫不檢黃緣奪情權貴厭之欲調外引  
疾之骸去

夜月犯壘壁陣

辛酉迤北瓦刺太尉兒者帖木兒平章烏馬兒來朝太監劉  
增迎勞之

壬戌夜大星青白光自天津流漸臺三小星隨之

乙丑行人顧睢為福建道監察御史

免安慶去年災租糧一萬二千八百六十餘石

丁卯夜月犯昴宿

己巳雜谷安撫使阿漂妻毒夫及子死略威州千戶唐泰欲

從銅門山西羅朴頭開道通貢乞官軍迂於日駐巡按御史

張洪以聞下鎮守右僉都御史寇深等議之

辛未夜大星赤光自鬼宿流翼

甲戌許陝西沿邊納草贖罪

乙亥命巡河官三年更代

丙子命刑部右侍郎楊寧往江西大理寺少卿張驥往浙江

撫安人民練兵勦寇

巡按廣東監察御史楊剛等言嶺南被寇多因有司撫寧失

宜今廣東都司經歷司都事鄧敏布政司廣豐庫大使周剛  
南海縣典史楊傑皆通練有斷乞署敏於化州剛於龍水傑  
於新會俾展所長庶未察跋奮罷民蘓醒少工從之

夜大星青白光自五車流五諸侯  
已卯疏山西凍水河

庚辰減安慶寧國徽揚淮安鳳陽尺租

調京營兵二萬征鄧茂七

辛巳徵浙江漕卒二萬人江西漕卒七千人總兵官寧陽侯

陳懋領之征鄧茂七

十一月朔廣東署都指揮僉事王清守備雷廉高聲

頒曆夏冬至晝夜各六十一刻翰林編修岳正曰求諸古曆

象無有也以私智揆之固其操乎

甲申淮府都陽王祁鎬薨年十一謚懷僖

乙酉唐世子芝孺薨年十五謚悼簡

嘉興知府黃懋為福建左布政使

丙戌寧陽侯陳懋為征夷將軍總兵官保定伯梁瑄平江伯

陳豫為左右副總兵都督僉事范雄董興為左右叅將刑部

尚書金濂叅贊軍務統京營江浙兵南征太監曹吉祥王瑾

提督五軍神機銃砲

丁亥起復鳳翔知府扈暹

免通渭平涼華亭水災田租

戊子命福建秋糧俱資餉仍運廣東折銀給之

己丑鄧茂七謀攻建寧下福州諭所司備之

夜月犯壘壁陣

庚寅瓦剌也先益糾結諸胡貽書兀良哈曰爾祖父皆元成

吉思可汗薛禪可汗所授官俱宜供頓過軍兀良哈以聞勅

吉思者元太祖薛禪者元世祖也勅諭兀者等衛都督刺塔

別里格等曰以元成吉思薛禪可汗事誘尔元已百餘年

子孫奔竄被害今其首領冒稱脇部屬耳部屬尚不信服况

欲遠方之別類乎尔女直野人自國初設衛授官毋受其誑

壬辰夜火星青白光自五車流中台

癸巳盜劫陽春縣

乙未免鞏昌臨洮災租

丙申昏刻月犯五車

辛丑故唐世子芝孀妃胡氏自經事聞謚肅貞

壬寅迤北瓦剌脫不花王并太師也先貢馬

癸卯進士陳璠錢昕監生柳春白仲賢馮節鄧洪為監察御史  
甲辰處州賊葉宗留偽稱大王流劫金華武義崇安建陽鉛  
山諸縣初處州多鑛盜慶元葉宗留以鑛徵遠鼓衆自浦城  
縱掠建陽無賴麋集閩浙道梗

乙巳罷懷來懷安龍門等儒學極邊武生乏人也

丙午量賑福汀漳建寧興化延平災民寬賦役

四川雜谷安撫司番僧南哥藏等貢刀劍鉄甲舊賜鈔六十錠幣二雙折衣綵幣四雙靴襪各一近例過厚部議如舊南

哥藏不肯拜賜命罷賞錫之會同館

逮廣東按察使黃翰左叅政楊信民下獄初信民承平久禁

網疎濶仕嶺外者贖貨殃民信民至廉潔寬大暇步衢市問

民所苦有以公事至而無罪者輒言按察使縱遣之按察使

郭智不法信民劾去之及黃翰受賂使酒奪人妻妾又復劾

之詞連僉事韋廣廣先入朝下獄廣訐信民作威放囚玩愒

失城並逮臨去民爭擲翰舟瓦石以金帛贖信民不受

丁未免沙尤等縣鉄課命補缺

庚戌永康侯徐安總督山東海上備倭安鄉伯張安鎮守高

燕雷肇

會同館貢夷闌出毆人命都指揮昌英杖其人命宴賜後例

五市五日著為令

壬子復程忠淮安府同知食正西品俸

除鎮江寧國廣德滁宣辰州等衛災糧

前錦衣衛指揮僉事向容王裕卒諭祭

十月癸丑朔旦大星青白光自西南流近濁

乙卯夜大星青白光自天園流近濁

丙辰右副都御史丁璿致仕

戊午葉宗留自福建桐木關至祝公橋拒鉛山官兵時張楷

南征至廣信以宗留阻浙未即進巡按御史韓雍請移兵先

擊宗留為便楷命指揮戴禮以五百人往命二人剽得新自

建昌會於邵武楷自浙入戴禮擊賊黃柏舖殺傷相當宗留

中流矢死官軍勿知也葉希一率餘眾屯車磐嶺都督僉事

陳榮以二千入合戴禮搜山中伏榮及指揮劉真等皆死張

楷間道入閩葉希一焚浦城還龍泉眾數萬人屯雲和麓水

楊陶得二陳鑑湖俱率眾從之

庚申建寧知府張瑛為福建布政司右叅政署府事鄧茂七



以二千餘人改建寧瑛率建安典史鄭烈鄉兵吳保等合都  
指揮徐信兵分道乘霧襲斬五百餘板其寨故有是命烈進  
主簿保授巡檢命一其能如聖詔各其其人其其人其  
禮部言山西行都司都指揮馬義鎮守居庸關署都指揮僉  
事李景俱報迤北瓦剌及回、等貢使共三千五百九十八  
人支給令會同館覈脫、不花王使臣止四百十四人也先  
使臣止千三百五十八人回回止七百五十二人計少千七  
百四人命下馬義巡按御史治如律  
辛酉陝西甘州中護衛軍餘段興以段于木後乞往安邑脩  
祠許之

壬戌陝西布政司右叅議柴重除喪三年方謁選成鉄嶺衛  
甲子禁各王府為外戚求職

賑濮州水災

乙丑順天采丞相文天祥祠像儒士改塑丞相冠服  
南京監察御史葛崇先自朝回道娶妻尋坐事成鉄嶺衛  
己巳翰林院編修趙恢為侍講

總兵官左都督劉聚等敗鄧茂七於建陽斬二千餘級  
減處州今冬春銀課之半

庚午廣東山賊趙普旺等偽稱天寶將軍劫龍水雷白二縣  
辛未鴻臚寺卿楊善為禮部左侍郎仍署寺事  
壬申免如皋縣災租  
甲戌瓦剌使臣都指揮使察占為都督僉事  
初哈密忠順王倒瓦荅失里以已先召其母不敢往  
上勅勞之至是聞其五月親往瓦剌七月還勅讓焉

乙亥許錦衣衛帶俸指揮僉事郭登世襲登自陳宿衛及麓  
川功  
丙子前右副都御史丁璠卒璠上元人永樂甲申進士選館

授工部主事坐戍潞河十年起山西道御史按湖廣陝西使  
雲南進左僉都御史督儲宣大又往視麓川巡撫雲南事平  
進左副都御史致仕仁恕孝友歷官俱有聲績賜祭葬

庚辰增麗水等縣縣丞專撫民行保甲法  
是年貴州叛苗團興隆清平平越等衛而平越尤急或以無  
積貯欲委棄賊按監察御史黃鎬不可曰平越貴之咽喉無  
平越是無貴也乃集衆固守九閱月至掘鼠羅雀而亡叛志  
會援兵至始解

己巳 正統十四年

正朔未處州盜五百餘人自永豐派劫遂昌殺指揮葉禮巡按  
浙江監察御史李俊乞移閩兵勦賊命巡撫浙江少卿張驥  
先徵各衛兵及民兵往勦

申申 江西龍南盜起

丁亥 夜金星犯壘壁陣東星

己丑 指揮吳良千戶紀信賚金帛勞瓦刺也先

辛卯 龍水縣徭賊出掠民居

瓦刺使臣指揮使昂克為都指揮僉事

夜月翬色黃赤五車參畢井俱暈內復生左右珥白虹貫之

甲午 工南郊

乙未 蠲平度州戶口食鹽布

丙申 夜月當食不食

勅左都督劉聚城閩賊後移兵討浙賊

曉刻木星犯房宿

丁酉 夜月犯靈臺中星

戊戌 河決聊城命工部右侍郎王永和築之

己亥總督獨石永寧等處守備署都指揮僉事楊俊為都指  
揮僉事

命畿內山東河南有司捕蝗種

庚子巡按貴州監察御史陳鑑為雲南布政司右叅議往騰  
衝招撫思機發不食

夜大星如椀青白光照地自即將流大角旁

辛丑巡按福建監察御史汪澄失事下獄

沙縣賊林宗政等萬餘人攻後坪延平通判倪冕南平縣丞  
李茂先設木石都指揮雍楚等預伏邀擊敗之斬二百餘級

擒渠帥陳阿巖

壬寅定西侯蔣貴卒貴江都人偉力善騎射從靖難歷指揮

同知從征南北累功宣德初以叅將征松潘進都指揮同知

鎮雲松潘平羌功進都督僉事副總兵歷都督同知平蠻

將軍正統初進右都督拜平定將軍往甘肅勦平朵兒只伯

大破之封伯七年平麓山進侯其為將同士卒甘苦臨敵輒

當先故戰必克幃幙之美惟儒臣是命追封漕國公賜祭塋

乙巳暫停浙江福建銀課

戊申起復工元知縣姜德政

已酉迤北瓦剌使回工致可汗書并諭太師也先詰所貽  
兀良哈書不報故事使歸我使送之因留明歲與俱來  
時要索中國貴無有者使者輒許以媾又往往出好語迎  
中之也先奏胡樂使者曰安能及漢伎也它日賜請若也先  
因請婚使者諾吾為若奏工許矣也先大喜答示諾前貢  
馬報使三千人上答詔不及婚事禮部復不盡予三千人  
餼予之物不及所請五之一大媿怒  
庚戌烏浙江江西漕米四十一萬石餉福建  
辛亥免大名河間開封災租

貸高郵慶都饑民粟

貴州布政司左叅議顧理專巡視民瘼從各長官司之請

太白晝見

二月丑夜大星青白光燭地流雲中

甲寅初赤斤蒙古衛都指揮總見加陸指揮馬帖兒鎖南卜  
等糾罕東衛都指揮阿黑巴等乘哈密使臣一脫不花  
等還苦峪城以千餘人圍之遂勅諭赤斤蒙古衛都督僉事  
阿速等罕東衛都指揮同知賞卜見加等  
免順天山東災糧十八萬五千七百餘石

太監阮晏陳馬巡視通州至南京漕路

夜大星青白光燭地流雲中

丙辰夜月犯昴宿

丁巳湖廣妖賊蔡妙先攻破龍南縣

巡按福建監察御史丁璫率指揮劉福擊鄭茂七於延平斬

之時沙縣羅汝先誘賊復攻延平都督僉事劉得新軍城北

設伏溪側賊南渡伏發殺數百人賊大清茂七中流矢死茂

七兄子伯孫主其軍寧陽侯陳懋未至

戊午昏刻大星青白光自屏星流近濁

己未作鹵簿大駕

庚申命劉聚等合江浙福建之師勦處州賊初賊自松溪縣

攻掠浦城等縣

辛酉通政司右通政王錫致仕

徵魯府護衛軍七百人協治沙灣

夜月犯鬼宿

癸亥戶部請市監醜染官庫布帛不許命俟官報

乙丑裁大同通判應州同知蔚州朔州判官大同縣丞各一

忠義前衛倉火

丙寅故兵部尚書徐晞孫世英為中書舍人

增晉州判官專理柴炭

禁邊衛僭服麒麟虎豹犀海馬及秃袖夷帽

丁卯南京吏部左侍郎魏驥為尚書

遼東總兵官右都督曹義等追一鵜鴿背擒男婦六十八人賞

賚有差

戊辰以御史楊剛言開詔必遣行人如乏員方遣進士進士

乏員遣本衙門官從之

己巳總督雲南軍務兵部尚書靖遠伯王驥總兵官都督同

知宮聚左右副總兵都督僉事張軌田禮左右叅將都督僉

事方瑛指揮同知張銳侍郎侯璉等自騰衝衛進兵航于崖

至南牙山登陸抵沙壩復航金沙江達嶺思機發拒於西岸

官軍順流至管屯適不邦緬甸夷兵數萬協攻斬數百級得

穀四十餘萬石賊營鬼哭山各三寨又承以七寨亘百餘里

每寨列柵二工懸大木石我克其左寨乘風縱火大破之思

機發遁上賜勅獎諭命驥聚軌禮回京瑛留雲南充右叅

將銳回貴州都司璉留雲南贊理軍務勅緬甸宣慰使卜刺

浪馬哈省以速刺治孟養緝捕思機發等時大軍踰孟養至

孟那孟養距麓川千餘里諸夷震怖

高岱曰麓川之役所謂輕病而重療也遐僻小夷稱亂戕殺縱欲問罪付之沐晟足辦矣乃至廷議遣將節制不專而致潞江之敗既敗則晟為罪魁釋不問足矣而追封王爵何為哉王驥傾國家之力集數鎮之兵而先後十年之久卒不能殲殄渠魁竟從姑息得免於罪幸也何至裂茅土哉向如劉球言移此力經略西北已已之變必有以禦之者窮疥癬之拒搔而耗腹心之元氣安得不敗乎嚴從簡曰清苑志田禮字思敬廕保定中衛指揮僉事幼

有大志既長以名節自期練達老成諳曉兵法同王驥討孟養生擒其子思機發則思機發又是被擒者此言死亂兵何也

何謂死於亂兵

戶部右侍郎儲懋往福建理軍餉

辛未以麓川平告於天地宗廟

錦衣衛指揮使徐恭濟陽衛指揮同知孫鏜俱為都指揮僉事和陽衛署都指揮僉事陶瑾寶授都指揮僉事恭克總兵官鏜瑾充左右叅將工部尚書石璞叅贊軍務率浙江官軍民兵討葉宗留備倭署都指揮僉事脫綱率千人聽節制



乙亥翰林院編修倪謙為侍讀劉定之服闋補編脩  
進士劉璉為刑科給事中

遼東總兵官右都督曹義等出廣寧塞斬一擒男婦五十人

浙江右叅議耿定僉事王晟台州衛千戶楊清等以四千人

擊麗水賊俱敗沒賊遂攻處州聲言趨金華命兵部檄諭各

官固守王晟鄆城人正統丙辰進士後贈參政詹監

田汝成曰浙有三臺臣藩臬諸司乃惴惴以櫻城固守為  
纒一出戰即駢首就俘不知藩垣屏翰之寄當如是乎嗚

呼孔子曰才難不其然哉

今沙縣賊屬俱戍南京

夜木星退犯房宿

戊寅命兵部重定內外官卑隸等類

賑蘄水縣饑

夜大星青白光自翼宿流近濁

己卯行人張諫為福建道監察御史

福建流賊掠江西寧都縣泰和奸民亦效之命刑部右侍郎  
楊寧等勦捕

賑巢縣饑

庚辰夜金星犯火星滿江赤碎廿六亦於之命同時亦時  
是月貴州邛水苗隔思州府爛土凱口苗攻都勻城官軍卻  
之草塘苗龍惟保陷石阡府殺知府胡信信廬陵人事不以  
聞

三月己朔琉球國中山王尚思達入貢

尤溪賊鄭永祖以四千入攻延平都指揮雍楚蔣貴等敗擒  
之

壬午處州賊犯江西廣信境永豐知縣樂昌鄧顯死之時賊

侵工饒顯奉張楷檄禦卻之賊大至或勸其走不聽遂被執  
不屈罵賊死時陞僉事未行事聞賜葬給布六十端米三十

石贈光祿寺少卿謚忠毅

壬戌進士

南京大理寺卿陳勉內艱命奔喪赴任

癸未勅湖廣布政使馬謹御史侯爵招諭靖州衛洞苗

起復蒲州知州張蕪

總兵官寧陽侯陳懋趨建寧鄧伯孫邀絕餉道左副總兵保  
定伯梁瑛擊斬九百級擒七十餘人賊潰幕府頒賞格能擒  
斬其黨與斬敵同自是擒斬而降者日衆

勅責左都督劉聚右僉都御史張楷怯賊負託其勉圖後效  
自贖

初戶部尚書王佐等以畿內河南山東水旱改通州秋草飼  
馬御馬監丞李保任劾佐及內官阮忠侍郎張睿等紊舊制  
至是議罪宥之

乙酉光祿寺丞昌泰為少卿  
丁亥指揮同知劉福為指揮使官軍鄧子勝為所鎮撫降賊

羅汝先為沙縣縣丞黃琴為建安主簿  
都指揮同知胡麒鎮守肅州

戊子 上發京師  
庚寅 上辰祭三陵昌平人獻牛馬羊命羊馬給賞還牛耕

賜鈔三錠  
遠東總兵官右都督曹義等巡邊至廣平山擒一五十九人

斬首一太監楊宣擒六十八人俱械入京  
辛卯湖廣叅將都指揮僉事張善率軍勦五開苗賊及廣西

獐蠻命廣西總兵官婁遠侯柳溥貴州叅將都指揮同知郭  
瑛各率兵助之

癸巳 上還京

海寇泊福建鎮海衛攻玄鍾千戶所禦卻之

江西龍南縣賊蔡妙光為縣吏楊伯顯劉興率民兵捕之

老徐志能

走始興縣被誅授伯顯興巡檢志能副巡檢

工部右侍郎王永和奏治河事宜先是沙灣之役永和以冬

寒遽停工又以次自河南宜勅彼兵事上切責之至是言

黑陽山西灣已通水從泰通寺資運河東昌則置分水閘設

三空泄水入大清河歸於海八柳樹工猶不可用沙灣堤宜

時啟分水二空瀉上流庶可亡後患從之仍戒永和速之

丁酉榜諭處州賊

梟患任發鄧茂七於京城

已亥徵直隸浙江馬草銀如不願銀者仍聽納草

辛丑諭吏部禁約內外官

平陽賊千餘人殺溫州衛指揮劉安

免陝西行都司災租

誅處州賊偽指揮趙滿等於市三日

癸卯令江西浙江人明年漕北京暫休吏卒

甲辰福建賊流劫江西贛州境攻破瑞金劫廣昌石城

已酉處州賊陳鑑湖破松陽龍泉二縣劫青田縣自號太平

國王改泰定元年  
四月辛亥處州賊陳鑑湖掠崇安等縣殺都指揮吳剛等

夜大星如椀黃赤光燭地自氏宿流角  
壬子四川播州宣慰使楊綱致仕子輝嗣

命靖遠伯王驥旋師沿途相機勦殺湖貴苗賊暫屯武昌徐

入京時貴州苗叛攻靖州隘平越衛黃平所思南府貴陽東

道梗驥等還師所至人泣陳苗害皆曰吾征麓川非征苗也

違之苗前後截我軍死數萬張軌等僅身免

郭子章曰靖遠三征麓川滇人不能無怨至謂貴苗因之

以叛如天順日錄所云則恐未然也貴中苗禍何代無之

自靖遠以後如銅仁米魯爐山凱口播州皮林六大役不

在麓川不豈靖遠之尤耶嗟乎大臣不為國任事則天子

怒為國任事則邊人怨白起不行而杜郵之劍賜姜維屢

出而仇國之議起故為邊臣者亦難矣

逮湖廣提學僉事韓陽陽經三歲試士不徧屬縣也

昏刻月犯金星

甲寅遂昌縣賊蘓牙俞伯通等攻蘭谿之蘓村寨金華知府

石瑁等集眾擒斬之

丁巳福寧流賊犯平陽縣攻蒲門千戶所禦卻之

戊午提督遼東軍務右都御史王朝為左都御史總兵官右

都督曹義為左都督左右叅將都指揮使胡源劉端為都督

僉事守備都督同知焦禮施聚為右都督右副都御史李純

為左副都御史

司禮監內使邵智聰私寬東城兵馬司指揮范賢之枷命斬

智聰不復奏

庚申命崇信伯費釗刑部右侍郎薛希璉鎮守福建新寧伯

譚璟大理寺右少卿張驥鎮守浙江

昏刻金星犯井宿

壬戌苗薄貴州勅靖遠伯王驥率湖貴兵勦之

癸亥免濟南東昌災租十八萬七千一百七十餘石

疏和州姚鎮河張家溝

乙丑復楊禧慶遠知府食正二品俸

遣監察御史李浚等同內使開辦浙江福建銀場

以哈密累誘瓦剌掠沙州罕東等衛勅甘肅總兵官寧遠伯

任禮等遣使責還之

福建賊平鄧伯孫也後洋官軍稍擒斬漸有降者或言尤溪

山賊可撫而下也千戶龔遂榮驛丞周鑄請行賊驍將張留  
孫遂榮遣之書而故致之伯孫所伯孫疑而殺留孫賊人人  
自疑來降伯孫竟敗被執妖婦廖氏號女將軍捕誅之左都  
督劉聚等兵至南平順昌既寧擒餘黨六十二人斬首亡笑  
縣人復業者五千六百九十七戶二萬三千六百六十八人  
令劉聚等閱賊平即回討處州賊

高岱曰茂七狂監子耳遂至屠城邑亂一閩豈其勢果難  
制哉閩中武備久弛兵紀不嚴將權不重既不能慎萌孽  
而撲之於始發又不能振兵威而遏之於既逞况朝廷遣

將事權多中制張楷輩勉効馳驅而師老寇玩雖卒戡定  
生民荼毒甚矣金濠之出值寇勢已衰撲滅餘燼未可言  
功也是役也幸其誅茂七猶在己巳二月間使更數月未  
燼則朝廷有土木之難不暇南顧矣不將有尉佗之憂耶  
然豈非天幸哉

丙寅金吾右衛帶俸都指揮僉事孫斌鎮守居庸關  
東莞人鄧恭言七事曰欽州衣服語音類文陞乞遣官變其  
俗曰免廣東重囚戍欽廉曰申鹽欽州曰邊海義倉移城內  
絕盜心曰南雄南安二千戶所宜積儲十年曰加脩清遠韶

州城曰丈量韶州南雄田土定賦額工從之  
夜月犯心宿

丁卯大理寺左寺丞李奎巡撫河南及真定保定順德河間  
吏部右侍郎趙新巡撫山東及鳳陽淮安廬揚以賑失業之  
民

戊辰處州賊陳鑑湖也金公巖分劫義烏武義東陽

庚午進士王璧羅俊張鑿朱永寧程昊李圮祝敬謝為徐溥  
楊冪吳淳王常李本道沈義沈宗戴昂黃溥葉普亮王豪桂  
怡朱瑄邢宥楊文琳陳璘陸阜楊敷余復黃譽為兩京監察

御史

貴州鎮遠苗作亂命靖遠伯王驥總兵官聚等同都指揮  
同知郭瑛張善分勦

辛未大同左叅將都督僉事石亨備禦署都督僉事卜馬麟  
巡邊至箭谿山各值一敗之擒四十六人斬四級再召麟還  
京實授都督僉事

福建左布政使宋彰乞刊行將門一寶歲勵武臣禮部駁其  
俚淺且罪彰溺職俟賊平逮治從之  
禮部請故中軍都督僉事陳榮祭墓上以覆師不許



壬申以不雨遣告於天地百神  
癸酉秦府興平王尚勣薨年六十一謚恭靖

陝西按察使鄧祭為右副都御史

海寇陳萬寧攻破潮陽縣殺主簿鄧選

甲戌諭禮部試僧道然後給牒

丙子廣西總兵官吳遠侯柳溥以都指揮孫麟等往懷遠過

清浪鎮遠叛苗

丁丑廣東都司獄逸百七十八人命遠都指揮僉事姚麟

戊寅閩賊二千餘人攻廣東海陽縣官兵擊卻之

己卯以沙縣賊陳政景等攻汀州命總兵官寧陽侯陳懋援

之

五月辰朔福建都指揮僉事鄭安等奏前巡按御史柳華擅置村

樓給兵仗之罪時華遷山東按察副使卒詔籍其家妻女入

浣衣局男戌鉄嶺衛

辛巳建昌府推官黎忠為知府閩寇始獫郡人亦多嘯聚忠

悉力撫捕適闕守從郡人之請

錦衣衛帶俸署指揮同知牛循指揮僉事郭登王英府軍前

衛指揮使過興騰驤右衛指揮使馮洪金吾右衛指揮同知

方善俱為署都指揮僉事  
順天永平蝗命捕之  
壬午逮福建都指揮僉事鄧安初盜千餘人陷羅源縣及延  
亭巡檢司官軍殲焉  
癸未昏刻月食金星

甲申賊圍汀州都指揮僉事馮雄按察僉事况真等擊敗之  
知府劉能推官王得仁又伏兵邀賊歸路擒陳政景等十  
四人

丙戌總兵官寧陽侯陳懋破沙縣陳山寨獲鄧茂七家屬并  
偽都督黃宗富等百五十五人按察副使邵宏譽等擒偽官  
五十七人

免濮州屯糧萬五千一百六十餘石

丁亥夜金星犯鬼宿

戊子青廣東巡按御史同布政使揭稽往潮州勦賊

己丑封李埒壽昌王豪塚應山王

麗水縣丞丁寧以老人王世昌等入賊巢招陳鑑湖等出官  
追還所掠人口命進學處州府同知世昌等授巡檢仍勞十  
金凡招賊者賞如之

辛卯復姚文袁州知府食正三品俸

壬辰大理寺卿俞士悅等以久旱請清獄狹之命太監金英

同法司會訊釋內外輕繫

甲午天津武清二衛屯地鈔改徵米

增神機營餘丁月餉三斗

丙申命鎮守福建浙江刑部右侍郎薛希璉大理寺右少卿

張驥訪察貪污官吏逮送京師

遼東都指揮使梁瑄為左軍都督僉事

丁酉寧都知縣周昂廣昌知縣江浩俱為贛州府通判寧都

縣丞田肇為知縣以捕盜撫民也

南婁妖人羅天師等妄稱彌勒佛謀亂巡撫刑部右侍郎楊

寧捕斬之

己亥翰林院侍讀學士張益直內閣

庚子免兖州去年欠租萬六千七百二十二石

磔巡按福建御史柴文顯籍其家誅汪澄以文顯匿鄒茂七

初警不即聞澄信賊降止軍養患也

辛丑兩淮都轉運鹽司運使耿九疇為刑部右侍郎通政司

右叅議湯鼎為右通政九疇廉儉嚴正門絕私謁楊士奇過

淮工饑之一難時浙江按察使軒輅剛介有聲九疇與齊名  
嘗坐水旁有童子曰此水雖清不如使君已坐判官薛華送  
守支鹽商於南戶部給鈔姓名占二贖命法司逮治遣主事  
陳汝言往究汝言奏九疇等受賄重冒支給下法司論罪既  
察証得釋時鹽運司知義烏葉思銘與九疇同心守法不畏  
強禦至是並逮工既察釋九疇特擢之思銘亦復官九疇  
錢而拊之曰無蹶而思銘竟為良吏  
占城哈答入貢  
刑科給事中王復為通政司右叅議

岳州知府易善為湖廣左布政使  
命大臣考察中外官吏遣錦衣衛馳令福建撫按究賊所以  
起與有職事於其上者悉械送京師并無甫膏犬以聞

岳州知府易善之  
賜祭

鈔乞概  
百餘金乞

前戶部右侍郎焦宏卒宏字克明葉人永樂辛丑進士宣德  
初授御史巡按貴州壬子進江西按察副使平恕得民歷江

淮工饑之一雞時浙江按察使軒輅剛介有聲九疇與齊名  
嘗坐水旁有童子曰此水雖清不如使君已坐判官薛善送  
守支鹽商於南戶部給鈔姓名占二贖命法司逮治遣主事  
陳汝言往究汝言奏九疇等受賄重冒支給下法司論罪既  
察証得釋時鹽運司知義烏葉思銘與九疇同心守法不畏  
強禦至是並逮工既察釋九疇特擢之思銘亦復官九疇  
錢而拊之曰無蹶而恩思銘竟為良吏

占城哈答入貢

刑科給事中王復為通政司右叅議

岳州知府易善為湖廣左布政使

命大臣考察中外官吏遣錦衣衛馳令福建撫按究賊所以

起與有職事於其工者悉械送京師并撫捕實狀以聞

陝西都指揮使汪壽卒隴西人世華昌衛指揮同知賜祭

癸卯建陽人林憲言三事曰鹽糧鄉民納米市民徵鈔乞概  
折曰丈量嘉禾里均賦曰武仙山銀坑歲課千二百餘金乞  
減半上從之

前戶部右侍郎焦宏卒宏字克明葉人永樂辛丑進士宣德  
初授御史巡按貴州壬子進江西按察副使平恕得民歷江

西右布政使辛酉佐戶部累奉勅理餉浙直福建京邊河南  
陝西寬嚴有節賜祭葬

甲辰義烏民兵胡彥陞等擒渠帥蘓紀養授副巡檢

丁未江西右布政使張裴生杖斃奸吏謫雲南中衛經歷  
禮部右侍郎王一寧往湖廣轉餉貴州

戊申翰林院侍講劉鉉修撰王振教習庶吉士修撰許彬

部郎中潘勤提督四夷館

刑科給事中陳傳成大同威遠衛初傳使琉球還里遷延不  
行被劾至是使回下錦衣衛

是月四川黑苗流劫石阡府城知府廬陵死之婦弟亦被殺  
事不以聞

六朔酉朔開封蝗

庚戌通政司右通政馮鼎光祿寺丞張如宗往四川運茶八

十四萬三千六十斤至陝西西寧河洮市馬

靖州等處苗賊流劫辰溪等縣殺都指揮亮高

辛亥涼州衛糧儲集驕火逮都指揮陳斌

逃民徐仁用上詩文干進成鉄嶺衛

前少保戶部尚書兼武英殿大學士黃淮卒淮字宗豫永嘉

人洪武丁丑進士授中書舍人  
太宗初召對稱旨入翰林  
備顧問尋直內閣進編修歷侍讀定儲議甲申以左庶子兼侍  
請直東宮丁亥進右春坊大學士輔皇太孫戊子癸巳  
上北狩再留守為漢庶人所搆下獄仁宗初出進通政使  
兼武英殿大學士內艱起復進少保戶部尚書大學士如故  
宣宗初致仕外艱賜祭塋入謝賜游西苑贈御製詩癸丑入  
賀壽留主禮闈廢子采中書舍人淮直亮多才略諳習朝政  
永樂初止告許停西番僧玉印沮阿魯台之聯女直吐番諸  
部此其大者年八十三予祭塋謚文簡贈太師

廖道南曰楊文貞所載日錄謂淮忌胡廣解縉再觀省愆  
錄乃知淮之不幸夫一黃淮耳下獄十年家食二十餘年

杜門掃軌不問國事者三十餘年而同事七人縉既雉羅  
廣亦總天惟文貞秉鈞文敏謀帷淮之蒙詎其可知也

壬子甌寧賊林拾得不受撫殺右叅政張瑛瑛擊林拾得不  
利與其子敬死之事聞贈按察使錄一子瑛建德人

甲寅濟南青州蝗  
乙卯許雲南永平縣中鹽每引輸三金於金齒糴米

法司論浙賦陳鑑湖等六十餘人不赦  
丙辰靖州告急命都督呂聚等分援之  
夜南京大雷雨奉天葦蓋謹身等殿災  
上宥之錮錦衣獄

己未重定雲南文武官俸初麓川用兵各依品減支

新寧伯譚璟卒  
庚申湖廣貴州生熟苗蠻蜂起命靖遠伯王驥調師十萬滅

夜月犯房宿又大星青白光百牛宿流近濁

壬戌蠲吉安南昌臨江水欠田租

勅諭兩京文武群臣脩職遂下詔大赦天下

保定河間旱停夏麥改徵粟

夜大星赤光自氏北流角

甲子勅諭兩京文武群臣省愆脩職

乙丑駙馬都尉西寧侯宋瑛總督大同軍預戰守

丙寅吏科都給事中孟鑑為戶部右侍郎

丁卯四川會川衛訓導唐英上邊務十三事內言靖遠伯王

驥都督宮聚等輦重至六百人多散絲幣於其屬使責重報

鹵蠻暨輟閣之以為己役大軍十五萬以一日行回有蹂踐

自丁卯起至六月是月

江衍程 往亨等 捷聞也 效英走

京奏辭不許會土木之難轉雲南河西縣教諭貢英正統戊午

羅玘曰嗚呼正統己巳之先變未釁也而四方亦既騷動

日入於多事矣踈遠小臣有能奮不顧身言天下事如英



己未重定雲南文武官俸初麓川用兵各依品減支

新寧伯譚璟卒

庚申湖廣貴州生熟苗蠻蜂起命靖遠伯王驥調師十萬滅

之夜月犯房宿又大星青白先自牛宿流近濁

壬戌蠲吉安南昌臨江水災田租

勅諭兩京文武群臣脩職遂下詔大赦天下

保定河間旱停夏麥改徵粟

夜大星赤光自氏北流角

甲子勅諭兩京文武群臣省愆脩職

乙丑駙馬都尉西寧侯宋瑛總督大同軍預戰守

丙寅吏科都給事中孟鑑為戶部右侍郎

丁卯四川會川衛訓導唐英上邊務十三事內言靖遠伯王

驥都督宮聚等輦重至六百人多散絲幣於其屬使責重報

鹵蠻暨輒闖之以為己役大軍十五萬以一日行回有蹂踐

死者又每卒負粟六斗不任登涉至自縊師抵金沙江彷徨

不敢渡渡而縮朒不敢攻攻而天都指揮洛瑄指揮崔亨等

俟賊解散多俘漁戶此何異李逵之敗而楊國忠以捷聞也

章下兵部欲按驥等罪特原之以英從宮聚軍前自效英走

京奏辭不許會土木之難轉雲南河西縣教諭貢士

羅玘曰嗚呼正統己巳之先變未釁也而四方亦既騷動

日入於多事矣踈遠小臣有能奮不顧自言天下事如英

者而天子又能聽之不徒聽之而又用之當時大臣不徒不沮之而又欲薦之是可謂不諱之朝而言猶不墮於上聞也故雖遭莫大之變而卒亦莫之能災者豈無自哉英任教諭又疏為侍郎張固可撫蜀從之

郭子章曰麓川之役舉朝卷舌內則劉忠愍爭之外則詹教諭諍之劉以言階禍竟死於獄而詹幸免於身不逾時而有土木之變窮賸之禍人國如此嗟臺省寒蟬而讜

論出於講諭師儒之口亦足羞矣

己巳詔大赦天下曉刻大星青白光燭地自昃留流并後三小星隨之

辛未大同參將都督僉事石亨為都督同知

壬申翰林院編修劉定之為侍講國子監助教羅伯初為檢

討仍理監事

申海上通夷之禁

癸酉夜大星如椀赤光流雲中

戊寅命太保成國公朱勇選京營四萬五千人令平鄉伯陳

懷駙馬都尉井源都督耿義毛福壽高禮太監林富率三萬

往大同都督王貴吳克勤率萬五千往宣府各備

七 己卯朔遂昌鄭仕本楊賢寧檣渠帥萃宗演等授副巡檢

火入寇有聲息命邊將謹備之  
熒惑入南斗時侍講徐理知天文私語其友劉溥以為不祥  
久之不返舍曰禍不遠矣遂命其妻孥南歸  
庚辰命給事中翟敬監察御史羅麓等分勞宣府獨石大同  
延安綏德寧夏甘肅偏頭關遠薊永平山海等軍士各一金  
復董智南城知縣食六品俸

令直隸山西夏麥改莖輸宣大

夜大星光燭地自羽林軍流至濁

壬午苗賊掠武岡州及黔陽縣官軍不援命王驥杖各將六

十

乙酉大理寺左少卿沈紱致仕

夜大星青白光自北斗杓流近濁

丁亥河內知縣吳鑑為南陽知府

戊子處州張佑率民兵王應參王金禮等殺賊千餘人擒  
十餘人獲皮甲三百餘授應參金禮巡檢責總兵官徐恭等  
玩愒於是御史張洪等劾恭及左右叅將都指揮僉事孫鍾  
陶瑾叅贊工部尚書石礪曠歲糜餉福建總兵官左都督劉  
聚都督僉事劉得新右僉都御史張楷俱縮朒命還師日按

之

己丑漳州逃囚陳萬寧鄭利貞郭乾孝鄭本成俱應募殺賊授副巡檢

分道入寇也先寇大同至箱兒庄右叅將吳浩敗沒脫不花王寇速東知院阿剌寇宣府圍赤城又別部寇甘州諸將馮城拒守上議親征

庚寅召商中鹽永平納糧界嶺口劉家口

壬辰吏部尚書王直率廷臣諫親征曰邊鄙之事自古有之惟左守備嚴固陛下得天之助將士用命可圖必勝不耳

親御六師以臨塞下况秋暑尚盛旱氣未回青草不豐水泉猶澁入畜之用實有未充且車駕既出四方急奏豈能即達其他利害難保必無天子至尊而躬履險地臣等至愚以為不可上不聽蓋司禮太監王振從中主之也

巡按四川監察御史李璟乞停採辦物料及遣大臣巡撫

上以巡撫增擾不許

癸巳命成王祁鈺居守駙馬都尉焦敬輔之太師英國公張輔太保成國公朱勇鎮遠侯顧興祖恭寧侯陳瀛恭順侯吳克忠駙馬都尉石璟廣寧伯劉安襄城伯李珍脩武伯沈榮

建平伯高遠永順伯薛綬忠勇伯蔣信左都督梁成右都督  
李忠都督同知王敬都督僉事陳友安朵兒只戶部尚書王  
佐兵部尚書廊柱刑部右侍郎丁鉉工部右侍郎王永和右  
副都御史鄧棻通政司右通政龔全安左叅議樂暉太常寺  
少卿黃養正戴慶祖王一居大理寺右寺丞蕭維禎太僕寺  
少卿劉容署鴻臚寺事禮部左侍郎楊善左寺丞張翱尚書  
司少卿凌壽翰林院學士曹禹張益及諸給事中監察御史  
等官俱扈從  
丁酉圍馬營三日宣府總兵官都督楊洪告急

大同總督軍務西寧侯宋瑛總兵官武進伯朱冕左叅將都  
督石亨等值日陽和後日敗沒瑛亨奔還大同時太監郭敬  
監軍籠制諸將致覆師敵伏草間免後追封瑛鄆國公謚忠  
順冕謚忠愍

甲午遣告廟社發京師親征詔下踰二日即行文武吏卒倉  
卒就道科給事中鮑輝當踉諫曰陛下縱自輕如宗廟  
社稷何王振叱之前軍五萬騎吏卒私屬可五十萬人夕宿  
康家嶺  
乙未次龍虎臺軍夜驚

丁酉度居庸關群臣請駐蹕不允風雨連朝六軍患苦文武將士皆無紀律

戎戎次榆林站

廣寧右衛指揮僉事趙忠為指揮同知贈妻左氏淑人初忠

守備鎮靜堡攻之急左氏曰堡且破吾義不受辱遂同母

女皆自經忠力守得全事聞賜祭葬旌其門貞烈

已亥次懷來

庚子次雷家站

辛丑至宣府風雨大至羽報益急群臣復交章請駐蹕王振

怒俱令掠陳

談遷曰闔振用事狃太宗宣宗之故駕勸上親征廷

臣伏爭不得也噫平城之歌澶淵之轍漢宋相懸失得判

然則敬忽繫之兵英宗進人台日不序旌旗耳不請

特已不過用兵

朝士謂強胡

五十萬人之

壬寅次雞鳴山衆皆危懼王素以事付王振振威益張公

丁酉度居庸關群臣請駐蹕不允風雨連朝六軍患苦文武將士皆無紀律

戊戌次榆林站

廣寧右衛指揮僉事趙忠為指揮同知贈妻左氏淑人初忠守備鎮靜堡丁攻之急左氏曰堡且破吾義不受辱遂同母女皆自經忠力守得全事聞賜祭葬旌其門貞烈

己亥次懷來

庚子次雷家站

辛丑至宣府風雨大至羽報益急群臣復交章請駐蹕王振

怒俱令掠陳

談遷曰闖振用事狃

太宗宣宗之故駕勸

上親征廷

臣伏爭不得也噫平城之歌澶淵之轍漢宋相懸失得判

然則敬忽繫之矣

英宗繫於久治目不辨旌旗耳不請

輦角下聞羽警遽拊劍擐甲思銘燕然而禪姑行抑何所

恃也不過用其衆耳權璫美兵挾天子致朝士謂強胡

數萬騎猶我圍隸欲借之以事威重孰知填五十萬人之

骨未足築窮荒而濶塞草也亦可為萬世之大戒矣

壬寅次雞鳴山衆皆危懼書工素以事付王振振威益張公

侯請事滕而前令戶部尚書王佐兵部尚書鄺楚領老營佐  
楚先行振怒聽之草間至暮方釋欽天監正彭德清曰未  
可乘也象緯示警脫致踈虞陷乘輿於草莽誰執其咎振怒  
曰即不幸天也翰林院學士曹鼐曰我輩不足惜惟防主工  
事重奈何輕進振終不從必進師我師漸進敵漸退伏塞外  
嘗我

癸卯次萬全峪

夜金星犯亢

甲辰次懷安

夜黑雲四塞

乙巳次天城西

丙午次陽和伏屍蔽野衆心為寒

夜火星犯土星

丁未次聚落驛

是月貴州苗寇攻赤水城都指揮張祥死之

戊申朔至大同日暈終夕

己酉雨益驟鎮守太監敦敦密告王振曰休矣行且墮計  
振始懼遂議旋師



命廣寧伯劉安充總兵官都督僉事郭登充叅將鎮守大同  
叅將石亨降秩俾募兵自效  
庚戌工東還夕宿雙寨有黑雲覆營如蓋頃刻大雷電風  
雨徹夜驚亂初議入紫荆關王振欲上幸蔚州里第已慮  
捐稼轉趨宣府

談遷曰當時諸臣知出師為非而不知旅師亦未為得也  
六飛遠駕天聲咸誅今未見一未折一弦輒引旆以東  
驕、聞之彌張其醜勢如風雨之驟至而吏卒氣奪邊陲  
膽裂矣大非策也既不得已天子臨戎堅守大同分驍

銳之士各保要害繕烽清野俾進無所乘退無所掠決旬  
之間必自解智不出此遠征遠送輕萬衆於一擲國無  
人甚哉

辛亥次滴水崖

壬子次洪州方城

癸丑次白登

夜月犯心宿

甲寅次懷安城西

都指揮使孫安為後軍都督僉事仍鎮守

乙卯次萬全峪

丙辰次陽和北沙嶺夜金星八月

天官書太白八月軍出將

丁巳次宣府

鎮守宣府都指揮僉事紀廣為後軍都督僉事仍充右叅將

戊午次宣府東南

己未次雷家站

甘肅副總兵王敬劉震為右軍都督僉事

庚申將發宣府謀報「襲我軍後遂駐蹕恭順侯吳克忠殿

戰敗沒遣太保成國公朱勇永順伯薛綬以四萬人繼往鷄

兒嶺遇伏亦隔初克忠下馬跪射矢盡猶刺殺數十人與弟

克勤皆死綬以空拳擊「」支解之既知其故山後人相與

哭之曰吾醜也故爾勇天順初追封勇平陰王謚武愍贈克

忠亦國公謚壯勇克勤遵化伯謚僖敏綬謚武毅克忠綬驍

勇善戰勇鬚髯張好禮縉紳善大書然方略不足也

辛酉次土木驛初每夕必司設太監吳亮擇地駐蹕至是王

振耻失利即止土木絕水掘二尺餘不得其南十五里有河

據之我人馬饑渴分道自土木旁近麻峪口入馬都指

揮郭懋力拒之終夜「益至

土木隆慶州而

南二皇相傳連

主幸此張大幕

目名統幕俗訛

為土墓今又為

土木

上欲行，統我營不得發，詐退請和。上命曹鳳

草勅許之。王振使移營近水陣動，四面至官軍大潰，奮

力乘之大呼解甲投兵者免官軍裸而相蹈藉也。宿衛士受

矢如蝟，上騎突圍不得出，遂坐地陷。中太監喜寧忠勇

伯蔣信從王振等皆死。或云護衛將士安州樊忠以所持

槊死振士卒死者數十萬。太師英國公祥符張輔恭寧侯太

原陳瀛駙馬都尉邢臺井源平鄉伯合肥陳懷襄城伯和州

李珍遂安伯巴縣陳埭脩武伯滁州沈榮都督梁成、王

貴戶部尚書海豐王佐兵部尚書耳章廊莖吏部左侍郎兼

翰林院學士寧晉曹鳳刑部右侍郎豐城丁鉉工部右侍郎

崑山王永和右副都御史南城鄧祭翰林院侍讀學士江寧

張益通政司左通政蘭溪龔全安太常寺少卿瑞安黃養正

溧陽戴慶祖工元王一居太僕寺少卿劉容尚書司少卿

凌壽給事中蘭谿包良佐侯官姚銑、鮑輝中書舍人

俞拱、潘澄、錢昂監察御史、張洪、平

谷黃常、魏貞錢塘夏誠婺州申祐、尹竑蘭谿章存

德、孫慶、林祥鳳郎中、齊洋保昌馮學明既寧

滕、建、安雷潛員外郎、王健、婺源程思溫常、程式

速端主事侯官陳銑懷晏周傑俞鑑張鏗

鄭瑄大理寺左寺副臨清馬豫光祿寺署丞黃陂鄧鑑行人  
司正吉水尹昌行人廬陵羅如壟欽天監夏官正劉信序班

李恭石玉等皆死焉張輔字文弼父玉河間忠武

王靖難元臣也輔以蔚州衛指揮僉事同知嗣都指揮同知

永樂初封信安伯已進新城侯五年平交趾封英國公自後

再總兵擒餘寇簡定陳季擴鎮守交趾已召還洪熙初拜太

師器度弘偉端重靜默承平二十餘年名震四夷王振雖橫

惟輔抗禮遠權勢守謙約然勛威之重方議北狩不力陳利

害及行間危急不痛折免談分兵拒敵論者惜之年七十五

賜祭墓追封定興王謚忠烈陳瀛追封寧國公謚恭愍井源

父申大理寺評事尚嘉興大長公主追封鉅鹿侯謚榮愍陳

懷父甄真定副千戶嗣職進通州正千戶從靖難歷遼東都

指揮僉事後征安南進山西都指揮使尋充叅將鎮守寧夏

洪熙初進右軍都督同知宣德丁未充總兵官征松潘番進

左都督鎮守四川正統甲子領兵出古北口虎頭山捕斬首

功封懷嗜書雖老不釋追封平鄉侯謚忠毅李珍贈襄城侯

謚悼僖陳壻贈遂安侯謚榮懷沈榮贈脩武侯謚僖愍梁成

贈任丘伯謚壯勇王貴歷都指揮使永樂末進右軍都督僉  
事鎮守肅州正統初進都督同知又明年召入朝贈阜城伯  
謚武僖王佐永樂中授吏科給事中宣德初進戶部右侍郎  
往陝西經理糧儲疏言衛軍倉弊百端請改隸有司天下稱  
便已鎮守河南民安盜息未幾召回提督京倉久之進尚書  
寬厚坦夷不沽名伐技勤於學問在官節省調劑雖無赫  
名而政未嘗不舉景泰初贈少保謚忠簡廊堦堦堦堦堦堦  
辛卯進士授御史使南京遼東稱旨擢陝西按察副使賑饑  
雪枉庶戎憂去除喪宣德間進應天府尹多所興革正統初  
拜兵部左侍郎進尚書從蹕墮馬或勸留懷安城就醫不從  
及旋師堦請疾驅入關嚴兵為殿振怒曰豈儒安知兵事叱  
出之明日師覆堦性謹畏節儉居官四十年終始無日不履  
職為念年六十五贈少保謚忠肅曹鶴字萬鍾宣德丁未貢  
士乙榜辭學職授泰和典史癸丑廷試第一授翰林脩撰正  
統初直經筵侍講五年直文淵閣九年進翰林學士十年進  
吏部左侍郎仍兼學士疏敏俊爽諫達政體被上眷注楊  
士奇卒後大事皆決於萬其才亦大類士奇贈榮祿大夫少  
傅吏部尚書文淵閣大學士謚文襄天順初加贈太傅謚文

忠丁鉉字用濟乙未進士授太常博士歷工吏刑部員外郎  
尋署刑部郎中有聲正統三年進刑部侍郎姿貌潔白恂  
寡言退然若無能及任事綽有餘地嘗承命賑饑江淮暨山  
東河南撫循勞來出於至誠大發倉廩悉停不急民氣勃然  
賜祭贈尚書謚褒愍王永和字用節永樂甲午貢士授嚴州  
訓導擢兵科給事中劾都督王或縱薊州不避權勢以都  
給事中擢工部右侍郎撫監淮右治水徐州鑿呂梁疏河流  
賜祭贈尚書謚褒敏鄭祭字孟擴永樂乙未進士授御史按  
蘓松諸郡用寬平治以父老乞留再歲憂去乙卯進陝西按

察使十年不携家兵民安堵遷右副都御史及工部  
者請祭脫去祭叱曰鑿與不返何面目見人遂深入死之  
贈資善大夫右都御史謚褒敏張益字士謙七歲而孤母倪  
自課督即勵學年十九永樂乙未進士選庶吉士善楷書改  
中書舍人進大理左評事仍直翰林正統戊午遷脩撰進侍  
讀學士知制誥直閣益為文立就軍中書符勅皆其草初與  
夏昶同寫竹泉善益文為報筆泉圖竹稱絕益亦絕不為也  
天順初贈翰林院學士謚文僊龔全安進士授工科給  
事中進通政司右叅議歷左通政贈通政使黃養正善書薦

授中書舍人歷太常少卿文淵閣供奉贈太常寺卿戴慶祖  
王一居俱樂舞生授太常寺贊禮郎歷太常少卿贈寺卿  
取惟貴細者數日不能盡餘棄之騎才二萬也

王世貞曰古者司馬掌邦政以平夷寇亂雖其文曰張皇  
六師然豈必天子在行而後謂之武哉我高皇帝彭蠡  
之後不復親駕大將拜籌於受服之頃而九有郊靡賜於  
履之下王者無敵天豈欺我文皇帝斬神鰲之足而立  
北極與牙角躬啟六飛為吏士先夫豈遠慕雄略而近  
遺廟笑哉夫亦鑒弟子之興尸且為萬世深長計也然而

披堅馳輕冒犯霜露以媒巨刃北望而抱遺弓之痛至今  
猶若新矣宣宗神武將強士良而從事屬國之孱夷若

山壓邛然使闔振狎之而輕以萬乘委敵即令殫裘懾魄  
紫蓋還帷而蒙塵之辱畢世莫可洗矣三改代而徂不知  
戒輕從中貴惡少編虎鬚而幸脫於其吻胡可再恃也語  
云千金之子坐不垂堂夫人主之價寧直千金據九重之  
沉而尚不能忘戒心今率然而臨廣漠寄命鋒刃其殆  
寧獨垂裳哉故曰白龍魚服豫且制之  
談遷曰以土木為罪闔振乎振之內誠不足食設鏡歌鼓

吹奏澶淵之捷抑何以置之彼矯命雄行適自沉其族耳  
當昔最善兵望重不為振屈母諭張英公其人雖老獨不  
為趙營平馬伏波手以三十年之威名將干椒幘之是  
賴竟獨一腐豎委骨塵露傳所云智老而偷耶  
嚴從簡曰張英公歷事四朝為元老上將自王振盜權專  
橫三楊皆避禍不以國家安危自任已已親征心知不可  
而從之出不免於難若早與三楊謀而去振則禍不待避  
節不須折何至臨老身膏草野乎  
唐樞曰土木之變死者十萬餘人而臣工且五十二人螻

僵靡靡無所見於其生則無所齒於其死中間所惜張輔  
王佐然英國老不任役戶書弱不任事其耿、不死獨曹  
薌而已於乎安得更進於是求可夕死於生存之日哉  
廖道南曰予觀李文忠公及劉文安公奏疏謂自古夷狄  
之禍未有甚於土木之難者夫漢之冒頓桀黠方張唐之  
安祿豢養已久宋之遼金及元則又中國偏安勢非其敵  
我明當全盛之時王用三驅高墉射隼而乃專制閹豎親  
勞六飛至使全師覆沒善人殄瘁如禹者為廷魁首元喪  
犬羊身膏草野不亦可悲乎 曹鵬



劉鳳曰張益慷慨有志略師出深憂之竟為中官振覆焉  
振亦死於師而人未知蓋非天敗振實自敗也已已之  
事誠粹不謀然兵久不用漸驕令少不能戢矣征伐未為  
非計而將帥之臣不無罪焉張益  
馮時可曰國初風氣未漓士大夫皆以羔羊素絲相敦勉  
以公揆藻擣詞鳴堊韶於帝側凡四十年而官不過五品  
產不滿百金何其恬靜無求如此遭害不造身膏漠北然  
忠孝大節昭然炳日月即馬革公魂亦安哉張益  
癸亥工之陷也南面坐地一不來稅工衣工不受

怒欲兵工一詰之曰此非常人與見賽罕王工見  
賽罕王曰子也先乎子伯顏帖木兒乎子賽罕王子子大同  
王子伯顏帖木兒賽罕王大同王皆也先諸弟也賽罕王驚  
馳告也先曰今得一人問我那顏名字問我等名姓寧大  
明皇帝那耶顏華言君也主也也先曰安在遣前番使視之  
曰明皇帝也也先問諸酋若何處之有乃公曰明我仇也  
天賜那顏其可違乎伯顏帖木兒怒搏乃公頰曰大明星  
帝天人也天偶怒焉推而棄之地下然戰時不億人馬或刃  
或矢或踐壓明皇帝獨否我等受漢德深厚何可反天那

顏若遣使告

明朝來迎則歸之耳亦萬世下美名也諸酋

是之也先伯顏帖木兒曰汝善事

大明皇帝遂居其營次

雷家站錦衣校尉袁彬見

上以能書留侍是日命彬作書

使千戶梁貴偕丁使一人回京取九龍蟒段及珍珠六兩黃

金二百金銀四百金賜也先又書示懷來守將以金帛犒

時京師戒嚴羸馬疲卒不滿十萬人心洶、群臣聚哭於朝

議戰議守未決翰林侍講徐理曉天文好談兵倡南遷禮部

尚書胡濙曰文皇帝定鼎於此示子孫不拔也而尚可遷

刑部侍郎江淵曰當固守兵部侍郎于謙曰言遷者可斬也

連召勸王兵死守之學士陳循曰于侍郎言是衆皆是皇

太后禁中疑懼問太監李永昌對曰是也陵廟宮闕在此倉

廩府庫百官萬姓在此南遷大事去矣且陛下不聞宋靖

康子因述靖康事皇太后悟自是中外始有固志天下臣

民間北狩痛恨號哭河州衛軍周教慟甚七日不食死子路

為諸生聞之不易儒衣憤奔至家觸庭槐亦死

甲子也先奉上宣府城南鎮守總兵官昌平伯楊洪先避

去上命紀廣朱謙羅亨信等開門登陴遙對曰天暮矣所

守者陛下城池也上涉河北袁彬控馬夜大雷雨震死

也先所乘馬十衆皆驚袁彬出覘赤光覆帷下大駭異時有他志而寢詰朝也先頓首帳前進熟餽皮服寢具工遣太監喜寧同通事岳謙至京師徵金銀綵幣

乙丑皇太后命郕王祁鈺攝總百官募謀勇捕奸謀榜於禮部從駙馬都尉焦敬等之言丙寅賞官舍餘丁人一金布二匹城守卒人布二匹徵順天車五百輛運通州糧官軍皆預給半載祿餉聽其自運又募運二十石於京者給僦一金令戶部官御史給事各二人沿途提督左都御史陳鑑錦衣衛指揮同知馬順都督同知武

興都指揮湯節等總之

兵部言選南畿山東精卒四千五百江北北畿漕卒三萬六千俱徵入京聞浙賊垂盡惟湖廣貴州苗寇僅一隅總兵官寧陽侯陳懋靖遠伯王驥等皆取回京郕王從之惟王驥

留勦參贊福建軍務刑部尚書金濂擒甌寧賊林拾得等七十一

人斬四百餘級  
募謀勇捕奸謀榜於禮部從駙馬都尉焦敬等之言  
丙寅賞官舍餘丁人一金布二匹城守卒人布二匹徵順天

賑偏橋衛饑  
丁卯召石亨為後府右都督領大營駙馬都尉焦敬領神機

劉本南

營忻城伯趙榮領三千營

戶科給事中李侃言三事曰精選吏卒智勇者擢步將騎將  
隨長取用曰遣官於畿內山東河南山西陝西募兵郡各五  
千人練之簡二千人赴京曰徵京城千輛列陣承以步騎內  
藏神銃每車五人用刀乘間馳擊 王下部行之

守備懷來署都指揮僉事康能及懷來隆慶龍門衛指揮易  
謙等各棄城遁鎮守居庸關都指揮僉事孫斌以聞 王宥  
其罪責協斌守備  
東南天鳴有聲

戊辰二十餘人擁 上大同城下索賂守將都督僉事郭  
登閉門不內曰 給我耳 上曰傳語郭登與朕姻連何得  
便爾外朕若此登遣奏曰奉命守城不敢啟閉竟不出  
袁彬持駕牌觸門而呼大同人縋之廣寧伯劉安出見 上  
曰勿疑汝主也安伏哭隨二十餘人 上令通事來安入  
城袁彬出伯顏帖木兒求賞少頃郭登同右侍郎沈固給事  
中孫祥知府霍瑄等出見伏哭 上曰將驕卒情朕為所悞  
復何言爾奏報 皇太后朕 中亡恙也先欲送還使來厚  
賞之遂之益深入矣問庫藏若干登曰十四萬金命取二萬

二千金以二千賜也先五千賜伯顏帖木兒若賽罕大同王  
餘以與下衆

邨王諭文武群臣曰國家為政莫急於聽言用人人臣為國  
莫先於輸忠薦士爾等國之股肱耳目凡有治國安民除邪  
輔正禦災捍患備賊方略並許直言毋隱毋徒事虛文古人

有言忠厚者舉老成之人正直者舉廉能之士凡智勇廉能  
拙在下僚不得展布其蘊並許舉薦擢用母曰為親故書曰  
舉能其官惟爾之能稱匪其人惟爾不任欽哉

兵部左侍郎于謙為尚書大理寺卿俞士悅為都察院右都  
御史仍署寺事通政司右叅議鄒來學為右僉都御史叅贊  
應城伯孫傑等軍務山西右布政使楊鼎左叅政朱鑑為左  
右布政使于謙入對慷慨泣曰上得志挾我大駕勢必長  
驅而南今六軍實耗武庫兵器盡矣司馬宜亟分道募兵及  
留漕卒自益司空宜併日而蒐乘繕械九門要地宜令都督孫

鐘衛穎雷通張軌等分守之都御史楊善給事中王竑等參  
馬凡兵皆出營郭外毋令避而示弱郭外之民皆徙入內安  
堵毋令失所而嵩通州倉欲守之或不能委以與則可惜  
宜令官軍皆給一歲祿俸聽其自運仍以贏米為之直所  
急者草諸厥宜亦聽軍稱力取之不盡則焚之毋以飽馬  
石亨楊洪宥前罪與安遠侯柳溥為大帥而身總其機宜進  
止不效則治臣罪以謝天下從之  
署都指揮僉事衛穎為都指揮僉事京營把總操練指揮左  
能為署都指揮僉事仍守紫荆關

諭守備居庸關都指揮孫斌及邊將以所獲御器龍旂御  
馬駕牌等或託還駕費爾開關萬勿輕聽當出奇挫之

禮科給事中金達李實各言二事曰敗軍回京各關隘不詰  
問或一涸入宜五城兵馬家覈之曰畿內守令非其人盡汰  
之以補能吏仍簡大臣鎮守李實言京師九門架砲銃濠內  
樹木相妨當代去餘丁民兵俱承平驕惰臨敵失措乞選正  
軍操練王從之

湖廣官軍擊武岡綏寧叛苗斬百六十餘級  
釋四川按察使曹泰

令戶部錦衣衛賑濟卒創痍者

己巳 邠王遣告廟社

上遣袁彬入大同城索賞武進伯朱冕西軍侯宋瑛太監郭

敬括家貨蟒服并諸指揮千百戶出衣幣分犒置酒大勞

上召郭登諭固守刈秋稼毋資慎警報不足信也是

夕上駐城西二十里初登盟壯士七十餘人因餉奪弓

刀輦上過石佛寺乘間迎入密語袁彬以聞上曰我命

在天勿蹈危

皇太后詔曰邇因寇犯邊毒害生靈皇帝恐禍連宗社

不得已躬率六師征正其罪不意被留廷尚念臣民不可

無主茲立皇長子見深為皇太子邠王為輔代總國

政於戲國必有君而社稷為之安焉必有儲而臣民有所仰

工部左侍郎許京師官民一利

卅三行 劉本潤

王銀曰國家儲利多借東海州藉為最永舉洪熙間徵歛

制下多侵尅官得其十之四五而已宣德七年周文襄來

巡創立調收之法自此利始歸於上又自况鍾為守奏減

三分七色計減正額七十二萬餘石二公既去朝廷每遣

令戶部錦衣衛賑濟卒創痍者

己巳 邠王遣告廟社

上遣袁彬入大同城索賞武進伯朱冕西軍侯宋瑛太監郭敬括家貲蟒服并諸指揮千百戶出衣幣分犒置酒大勞

上召郭登諭固守刈秋稼毋資慎警報不足信也是

夕上駐城西二十里初登盟壯士七十餘人因餉奪弓

刀輦上過石佛寺乘間迎入密語袁彬以聞上曰我命

在天勿蹈危

皇太后詔曰邇因寇犯邊毒害生靈皇帝恐禍連宗社

不得已躬率六師征正其罪不意被留廷尚念臣民不可

無主茲立皇長子見深為皇太子邠王為輔代總國

政於戲國必有君而社稷為之安君必有儲而臣民有所仰

布告天下咸使聞知

工部左侍郎周忱為戶部尚書

王鏊曰國家儲積多倚東南惟蘓為最永樂洪熙間徵歛

制下多侵剋官得其十之四五而已宣德七年周文襄來

巡創立調收之法自此利始歸於上又自况鍾為守奏減

三分七邑計減正額七十二萬餘石二公既去朝廷每遣



巡撫及守土之官必降璽書申戒使無輕改焉弘治二年  
官有善變法者遽革調收易以新制糧胥得為奸利每石  
擅增無名之耗三斗盡入私家自茲利權復移於下七十  
二萬石之多官不得取民不得免使二公之良法大壞甚  
可惜也

顧清曰鄉父老陸翁嘗言周文襄侍郎巡撫十九年又尚  
書二年百姓不知有凶荒朝廷不知有缺乏或問故曰當  
時濟農倉米常數十萬一遇水旱即據實奏聞免糧奏上  
無不從所免之數即以濟農倉米補完所以民不知凶荒

朝廷不知有缺乏也問當時何處得此米曰此有二項其  
一奏改南京公侯祿米於各府閩支省運耗十五萬其一  
奉例勸分得米又六萬歲先軍運畢令運此二十一萬米  
入濟農倉賑濟歲有寬餘皆積於此此米之所以羨也  
其王廷相曰或問周文襄曰濟務達變南服之紀焉計儲而  
若民思之不置何也曰弘羊權利劉晏通商皆取無入有以  
民益國者民不與怨足矣公也以稅之贏餘充民之他賦  
上杜科擾之害下享安業之樂民烏乎不悅之及稽羨餘  
之刻也括而歸之官民之他賦自供也又烏乎不思之

寧遠守備右都督焦禮左副總兵同遠東總兵官曹義率軍  
入京諭京營把總管隊官凡敗卒仍舊操練入賞二金布二  
匹時逃卒疑懼匿不敢報也  
畿內降胡潛劫命達官指揮王貴成等榜諭之  
庚午戶部右侍郎兼翰林院學士陳循工部右侍郎兼學士  
高穀俱為尚書仍兼學士浙江道監察御史段信為右僉都  
御史撫安保定軍民

一知府范理為福建右布政使刑部員外郎周瑄為福建  
按察副使

許京師官民軍匠才勇者自報下右都督石亨試之  
邴王御午門之左都察院左都御史陳鎰率諸臣廷啟王振  
罪王曰待取旨百官趨進伏地不起曰王振罪不容誅  
殿下不即正典刑族滅之臣等今日皆死此廷中痛哭呼號  
不辨人聲邴府長史儀銘膝行前錦衣衛指揮同知馮順叱  
退之戶科給事中王竑起直前搏順曰是非奸人黨耶衆爭  
擊之或脫順鞞捶眼洒血於廷立死朝班大譁衛士皆泣  
王環視屢起尚書于謙直上攬下王衣曰止止振罪首不藉  
無以泄衆忿且群臣心社稷耳無它王曰可竟入將闔門

百官隨之太監金英傳令且退衆欲粹英英懼即傳令曰許籍王振家矣尚何言百官曰猶有長隨毛貴王亦振黨請付外王令出二人門隙中又搥死之頃之衆執振姪錦衣指揮山至相戒勿搥使伏法王命縛山赴都市磔之遣左都御史陳鑑籍振家族屬無少長皆斬振宅在京城內外教區重堂邃閣擬於宸居器服綺麗工方不逮玉盤二十俱徑尺珊瑚樹高六七尺金銀以庫計六十有餘王諭群臣且散謙後徐行衣盡裂吏部尚書王直執謙手歎曰朝廷正藉公耳百王直何能為百官請籍馬順毛貴王亦振家之曳

三屍棄東安門外道上軍民爭擊之衛士汲水滌廷中血儀銘曰母其影可以鑑

辛未封左都督楊洪昌平伯進朱謙右都督

左都御史陳鑑撫安順天通州等處軍民

開官羅通為兵部員外郎往居庸關四川按察使曹泰往紫荊關廣東左叅議楊信民往白羊口各守備關隘撫恤軍民從兵部尚書于謙之薦

太陰晝見光如日

文擁上出塞至威寧海

以下逐條有錄外廟

夜月犯五諸侯

壬申封右都督石亨武清伯充總兵官練兵京師

召前大理寺少卿薛瑄監察御史程富

總督獨石等處備禦都督僉事孫安言先命都指揮趙玠守

備獨石楊俊守備馬營夏忠守備龍門衛指揮魯瑄守備龍

門千戶所臣同少監陳公總督令軍少力分王令陳公孫

安趙玠楊俊屯居庸關外授京師

廷臣劾總兵官鎮遠侯顧興祖扈駕喪師及武臣太師英國

公張輔等文臣尚書王佐等均宜罪王不問廷臣再劾下

興祖獄

上次九干山

夜西南天鳴有聲

癸酉吏部右侍郎趙新為尚書仍撫安山東軍民山東河南

左布政使洪英王來為左副都御史仍二品俸山西布政

使朱鑑為右副都御史俱巡撫山東河南山西

鎮守宣府昌平伯楊洪等呈黃札以上偽書諭今後拒勿上

上次柳源縣

夜東方天鳴有聲

甲戌進吏部尚書王直太子太保禮部尚書胡濙太子太傅  
進士錢澍王鉉朱厚何陞張聰李英監生司馬恂俱為給事  
中行人汪琰趙訪司務鄒亮彭誼監丞滿洪助教秦顯學正  
謝琚序班趙麟檢校采洵照磨郭仲曦陳述推官陳全知縣  
張岳教諭鄧達訓導李周俱為監察御史品級山西

諭兵部定擒斬賞格  
成都前衛指揮同知陳貴為署都指揮僉事仍勦播州苗  
罷各處車船鈔

戶科給事中王竑言二事曰沙州達官安置東昌衛素凶獷  
行劫宜俵散江南曰前徵河南山東官軍從征道劫乞嚴加  
禁約從之

工次黑河

乙亥鎮守大同廣寧伯劉安啟臣出城述上諭第奏皇  
太后朕已恙亟馳金帛歸我也 邨王戒安上狡勿輕信且

以此意徧示邊將曰聞一團擁一人稱是至尊爾等出朝與  
之貨物不慮誘耶楊洪蓋遠避之爾何無謀中國惟知社稷  
為重其以此意徧諭邊將

總督獨石等處備禦右少監陳公言中阿刺知院率衆圍

龍門射矢繫書言講和下兵部尚書于謙曰詐但防兵  
徵南京內庫軍器三分之一

令籍太監郭敬內官陳璉內使唐童欽天監正彭德清等家  
皆王振黨

丙子群臣疏請皇太后國有長君社稷之福宜立邠王  
為皇帝允之命具儀卜日邠王駭謝群臣同請王厲聲

曰東宮在邠等敢亂法耶群臣止不敢言已述皇太后

意兵部尚書于謙颺言曰臣等為社稷非私也願從眾弘濟  
艱難王始受命

翰林院脩撰商輅彭時直文淵閣學士陳循高穀薦之

戶部尚書周忱調工部署大理寺事都察院右都御史俞士

悅還院鎮守大同戶部右侍郎沈固為都察院右都御史仍

督邊儲戶部署郎中事主事沈翼兵部郎中吳寧俱右侍郎

辰刻金星見張宿

上次一寶山

丁丑鎮守大同廣寧伯劉安為征西前將軍總兵官都督僉

事郭登為都督同知副總兵都督僉事方善張通為左右叅

將

貴州龍里衛湖廣沅州衛武岡州四川播州等苗俱叛攻圍  
郡縣征南總兵官都督官聚告急乞京兵五千遣軍一千原  
征麓川官軍十萬協勦乃命四川湖廣增運糧儲下廷議  
琉球入貢

念錄

聖